

5298.3  
1800  
v. 6

歌吟  
贈

李白

BERKELEY  
LIBRARY  
UNIVERSITY OF  
CALIFORNIA

五十一



歌吟

秋浦歌 十七首

當道趙大之府松臺亦欲

亦王東也引十首

上皇也也南亦引十首

我眉山月引

我眉山月引 蜀陽晏入中京

我眉山月引

江蘇引

我眉山月引

王真仙人詞

青溪引

訓政明也見贈五雲索引

臨路引

古意

山勢獨引

唐陽也也引軍各思將引

草書引

和盧侍御通德曲

贈

贈孟浩然

贈送公襄陽少府候

淮海對雪贈傅霜

贈徐安宜

贈任城盧主簿

早秋懷張十八仲世

贈范金卿二首

贈瑕丘王少府

東魯見狄博南

見京師韋主軍量移東陽言

贈丹陽楊山周主王惟長

王真也主別錄苦

贈韋叔書子素二首

贈韋侍御黃裳二首

贈薛秋書

贈何七判官昌浩

讀諸葛武侯傳後贈昆季

贈郭將軍

駕立溫泉以贈楊大

溫泉侍從故逢故人

贈張十四

贈崔侍御

述德黃律情上并寄方丈

雪浪詩贈友人

贈冬寒子

贈錢陽張司戶題

贈清漳明府姪事

贈臨路縣金融等

贈郭季子

鄴中王士勳入幽居

贈華州王司士

贈盧徵君昆弟

贈新平少章

贈崔侍御

走筆贈獨孤駙馬

贈嵩山焦鍊師

口補贈徵君鴻

李邕

贈張公洲革實士



分類補註李太白詩卷之八

歌吟五十三首

秋浦歌十七首

秋浦長似秋蕭條使人愁齊賢曰唐志武德四年析宣州之秋

浦南陵二縣置池州秋浦王實曰公革志秋浦隋縣名唐置池州池陽記曰秋浦帶郡城

南連驛道為舟楫之路曹植詩客愁不可度

行上東大樓正西望長安下見江水流齊賢曰

子新論曰人有聞長安之樂則出門西寄言

向江水汝意憶儂不遙傳一掬淚為我達楊



州齊賢曰吳人以我為儂  
采綠不盈一掬註云兩手曰掬韻釋在手  
亦作掬

其二

秋浦猿夜愁  
黃山堪白頭  
清溪非隴水  
翻作

斷腸流齊賢曰九域志池州貴池縣有清溪鎮浮丘公與黃帝遊黃山駐天都峯

今有浮丘仙壇王貴曰圖經黃山舊名黟山在歙縣西北百二十八里宣州太平縣南三十

十里高千一百八十仞郡志其山有摩天戛

日之高宣歙池銑等州並是此山之支脉山

有水源三十六溪其一為浙江之源清溪在  
池州盛約記云清溪南來九華東引洪流環  
繞沃野彌望隴水事見一卷愁陽春賦註胡  
兆秋浦志序曰九華五松清溪秋浦王鑑之



潭水車之嶺成紀白筍之陂太白樂天牧之  
論文垂釣問山弄水登覽遐躅隱然在人耳  
目山川風物  
清和平曠  
是歸日雨淚下孤舟  
賈誼曰孫綽子曰或問  
於野乎將薄遊於朝乎謝眺詩薄遊第從告  
思閑願罷歸顏延年詩曷為久遊客憂念坐  
日  
殷

其三

秋浦錦駝鳥人間天上稀山雞羞淥水不敢

照毛衣

金雞形如小雞項繫毛金色身紅黃一名

相間極有文彩目微白湖南北亦有之意錦  
駝即此類也博物志山雞有美毛白愛其色



終日映水目眩則弱死  
**王**  
發日若天上則臣不知人間無有也此形客  
錦駝鳥之美山  
難之所不如也

其四

兩鬢入秋浦一朝颯已衰猿聲催白髮長短

盡成絲

**王**  
星白髮生於鬢無

其五

秋浦多白猿超騰若冰雪牽引條上兒飲弄

水中月

**齊**  
日蜀都賦猿狄超騰而競捷  
**王**  
吳都賦猿父哀吟獬子長肅狄

龜果然騰踔飛超  
莊子肌膚若冰雪



其六

愁作秋浦客強看秋浦花山川如剡縣風日

似長沙

齊賢曰九域志越州東南二百八十里

安道在剡便乘船訪之望門而返世說顧長康從會稽還人問山川之美顧云千巖競秀萬壑爭流草木蒙籠其上若雲興霧蔚唐潭州長沙郡治長沙縣盛弘之荊州記曰長沙西岸有麓山其下有精舍左右林嶺迴環泉澗傍有礬石每至嚴冬其水不停霜雪

其七

醉上山公馬寒歌甯戚牛空吟白石爛淚滿

黑貂裘

齊賢曰戰國策蘇秦說秦王書十上而說不行黑貂之裘弊黃金百斤盡



**士贇**曰山簡事見五卷註竊  
威歌事見四卷鞠歌行註

其八

秋浦千重嶺水車嶺最奇天傾欲墮石水拂

寄生枝

**齊賢**曰列子天傾西北漢蔡邕曰欲  
墮不墮遇王果張衡賦桑末寄生也本草

生弓卉既彫而已毓註根生謂寄生也本草  
桑上寄生一名寄屑**王贇**曰秋浦志李元方

嘗刻碑於有待巖謂齊山大小泉凡十一而  
半巖為勝秋浦千重嶺而水車嶺為最奇巖

壁之號十五而有待為大壑之號九而上清  
為景洞之號十四而潛虬為奇又有洞五曰

半巖曰寄隱曰子昭曰妙奉曰翠微翠微特  
高尤宜登眺則知太白之詩為紀實宋詩人

郭詳正嘗追和秋浦歌亦稱此曰萬丈水車  
嶺還如九疊屏北風來不斂六月亦生冰寄



生枝見  
六卷註

其九

江祖一片石青天掃盡屏題詩留萬古綠字

錦苔生

晉書曰下云江祖出魚梁即此江祖朝野僉載曰梁庾信至北方曰惟韓

山一片石可共語  
王羲之曰劉孝標廣絕交論歷萬古而一遇

其十

千千石楠樹萬萬女貞林山山白鷺滿澗澗

白猿吟君莫向秋浦猿聲碎客心

晉書曰尸

則生梗楠豫章陶隱居云石楠葉如枇杷上林賦豫章女貞張揖曰女貞木葉冬不落



**贊**曰漢書趙后傳孝成皇帝至思所以萬萬於衆臣

### 其十一

邏人橫鳥道江祖出魚梁水急客舟疾山花

拂面香

**晉書**

曰晉羊祜屯襄陽城戎邏之半新安郡志自睦州清溪縣界

至歙州皆鳥道縈紆晉書陶侃母傳侃少爲尋陽吏嘗監魚梁

### 其十二

水如一匹鍊此地即平天耐可乘明月看花

上酒船

**王贊**

曰家語顏回望吳門見一匹鍊孔子曰馬也此用其字壇經曰陳大

仙謂六祖曰若要結塔只願平天不願平地祖云我只平天我不平地



其十三

淥水淨素月月明白鷺飛郎聽採菱女一道

夜歌歸

飛吳都賦或喻淥水而采菱淮南子

歌採菱發陽阿也

水浩浩楚辭涉江採菱發陽阿謝靈運詩採菱調易急江

其十四

爐火照天地紅星亂紫煙蔽郎明月夜歌曲

動寒川

曜天地時有紅星紛起於紫煙之中

蔽亦蔽百愧赤乃叛反猶言愧改明月之夜歌曲之聲振動寒川也



贊紫煙成蓋或曰被郎吳音也歌者助語之  
辭爐火恐只漁人之火子見以為煉丹之火  
是非

### 其十五

白髮三千丈綠愁似箇長不知明鏡裏何處

得秋霜

三千丈之語蓋詩人遣興之辭極其

形容耳觀者當不以文害辭不以辭害意可  
也第二句云綠愁似箇長意亦可見後聯云  
不知明鏡裏何處得秋霜  
活活脫脫真作家手段也

### 其十六

秋浦田舍翁採魚水中宿妻子張白鵝結屋



映深竹

晉書曰宋武帝紀大明中孝武壞高祖所居陰室照王燭與羣臣觀之床

頭土障壁上掛葛燈籠麻繩排侍中袁顗盛稱帝儉德孝武不答獨曰田舍翁得此已為

過矣西京雜記周越王獻高帝白鵲黑鵲各一隻疑其罕見今湖南多有之

太宗怒魏徵曰會須殺此田舍翁謂農父也釋文白鵲形似雉白花纹而尾長班固西都

賦曰招白鵲詩肅肅兔置註曰兔網曰置此乃刺時之詩謂夫妻同利於水陸之間生意

盡矣寄興深遠觀者留意毋忽

其十七

挑波一步地了了語聲聞闍與山僧別低頭

禮白雲

晉書曰漢食貨志六尺為步陶隱居詩山中多白雲



常塗趙炎少府粉圖山水歌

我眉高出西極天羅浮直與南溟連

九域志曰

循州有博羅山浮海而來博著羅山故名廣

州亦云有羅浮山

詩註列子西極之國漢書天馬歌天馬來從

西極雲笈七籤羅浮山高三千六百丈洞周

迴五百里名朱明耀真之天是蓬萊之一島

也堯時洪水浮海而來泊於羅山二山相合

故曰羅浮山即抱朴子葛洪煉丹得道名公

處在惠州博羅縣莊子南溟者天池也

繹思揮彩筆驅山走海置眼前滿堂空翠如

可掃赤城霞氣蒼梧煙

記赤城山色皆赤狀

似雲霞鬱潤千仞謂之瀑布天台賦赤城霞

起而達標九疑山一名蒼梧山在道州寧遠



六十里一萬八千丈洞周回五百里名上清玉平之

天即相柏王真人所理葛玄仙翁煉丹得道

處上應台宿故名天台在台州天台縣記撞

弓舜葬於蒼梧之野傳以為南洞庭瀟湘意

越地今屬廣西梧州蒼梧縣也

渺綿三江七澤情洄沿驚濤洶湧向何處孤

舟一去迷歸年征帆不動亦不旋飄如隨風

落天邊心搖目斷興難盡幾時可到三山巔

南大湖名言三江既入震澤底定註震澤吳

楚有七澤毛萇曰逆流而上曰迴孔安國

書傳順流而下曰逆

水瀕為七百

陵縣三十步源出九疑山至永與湘水合



湘水在零陵北十五里其源自全來求與瀟水合二水合流謂之瀟湘瀟湘者水清深之名也

羅含湘中記湘水至清深五六丈下見底了了石子如搏蒲白沙如霜雪赤岸若朝霞郭璞山海經註巴陵縣有洞庭江湘沅水者共會巴陵故號三江口也顏延年詩三湘淪洞庭七澤藹荆牧謝靈運詩永涉盡洞

沿潘岳詩幹流隨風飄主傳心搖搖如縣旌晉王子猷曰興盡而反西峯崢嶸噴流泉橫三山指海中三神山也

石巖水波潺湲東厓含沓蔽輕霧深林雜樹

空竿絲此中冥昧失晝夜隱几寂聽無鳴蟬

謝靈運詩石橫水分流又石淺水潺湲漢

息夫躬傳征夫鳴謄於東厓竿端字見一長

卷註周易註始於冥昧莊子曰隱几而卧長

長



松之下列羽客對坐不語南昌僊南昌僊人

趙夫子妙年歷落青雲士訟庭無事羅衆賓

杳然如在丹青裏五色粉圖安足珍真僊可

以全吾身落落之日天台賦籍萋萋之纖草蔭

山海經有羽人之國不死之民梅福為南昌

尉後棄官歸壽春王莽專政一朝棄妻子去

九江至今傳以為仙其後有見臨於會稽者

變姓名為吳市門卒云趙炎為少府故比於

福世說周伯仁嘗道桓茂倫曰嶽嶽歷落可

笑人也世說曰青雲士見二卷註史東方朔

傳宮殿中可以避世全身若待功成拂衣去

何必深山之中蒿蘆之下曰老子功成身退

武陵桃花笑殺人退天之道也左傳叔向拂



衣從之  
五湖裏武陵桃源事並見二卷註

永王東巡歌十一首

作長聰敏好學貌陋甚不能正視既封  
領荊州大都督安祿山反帝至扶風詔  
璘即日赴鎮俄又領山南江西嶺南黔  
中四道節度使少府監寶昭為副璘至  
江陵募士得數萬補署郎官御史騎江  
淮租賦鉅億萬在所山委璘生宮中於  
事不通曉見富且強遂有窺江左意肅  
宗聞之詔璘還覲上皇于蜀璘不從其  
子襄成王陽剛驚乏謀亦樂亂勸璘取  
金陵即引舟師東下甲士五千趨廣陵  
以渾惟明李廣琛高仙琦為將然未敢  
顯言取江左也會吳郡採訪使李希言  
平燥璘因發怒曰寡人上皇子皇帝



第地尊禮絕今希言乃平牒抗威落筆  
署字何耶乃使惟明襲希言而令廣琛  
趨廣陵攻孫訪使李成式璘至當塗希  
言已屯丹陽遣將元景揮等拒戰不勝  
降於璘江淮震動明年肅宗遣宦者啖  
廷琚等與成式謀招諭之時河南招討  
判官李銑在廣陵有兵千餘延琚邀銑  
屯揚子成式又遣裴戎以廣陵卒三千  
戍伊婁璘張璠大閱士璘與陽登陴  
望之有懼色廣琛知事不集謂諸將曰  
與公等從王豈欲反邪上皇播遷道路  
不通而諸子無賢於王者如總江淮銑  
兵長驅雍洛大功可成今乃不然使吾  
等名挂叛逆如後世何衆許諾遂割臂  
盟於是惟明奔江寧馮季康奔白沙廣  
琛以兵六千奔廣陵璘使騎追躡之廣  
琛曰我德王故不敢決戰逃命歸國耳  
若逼我且決死追者止乃免是夜銑陣



江北夜然東葦人執二炸影亂水中覘  
者以信告璘軍亦舉火應之璘疑王師  
已濟携兒女及麾下遁去遲明覺其給  
復入城具舟楫使傷驅衆趨晉陵謀者  
告曰王走矣成式以兵進先鋒至新豐  
陵使傷仙琦逆擊之銑合勢張左右翼  
射傷中肩軍遂敗仙琦與璘奔鄱陽司  
馬閼城拒璘怒焚城入之收庫兵掠餘  
千將南走嶺外皇甫旆兵追及之戰大  
庾嶺璘中矢被執旆殺之傷爲亂兵所  
害仙琦逃去璘未敗時上皇下詔降爲  
庶人徙置房陵及死旆送妻子至蜀上  
皇哀悼久之肅宗以少所自鞠不宣其  
罪謂左右曰皇甫旆執吾弟不送之蜀  
而擅殺之何耶由是不復用薛鏐等皆  
伏誅子璲爲餘姚王復莒國公僕郿國  
公伶叢並  
國子承酒



永王正月東出師天子遙分龍虎旗樓船一

舉風波靜江漢翻為鴈鷺池唐史玄宗郭順儀生永

王璘通鑒天寶十五載七月甲子太子即位

于靈武改元至德丁卯上皇制以璘為山南

東道嶺南黔中江南四道節度使十一月璘

至江陵十二月甲辰璘擅引舟師東巡太白

時卧廬山璘迫致之璘敗丹陽太白奔亡至

宿松石林燕語節度使旌節門旗二龍虎旌

節一麾搶一豹尾二凡八物史記舡上建

樓曰樓舡漢有樓舡將軍江表曰詩棹樓周

王于邁六師及之箋云謂出兵征伐也二千

五百人為師周禮春官司常交龍為旂熊虎

為旗兩雅釋名熊虎為旗將軍所建象其猛

如龍虎也西京記武帝昆明池習水戰中有

戈舡樓數百艘此詠永王出師首篇表之以

天子遙分龍虎旗者夫子作春秋書王之意



也太白忠君之心於此可見百世之下未有  
發明之者故書于此江漢翻為鴈驚池者但  
形容上句一鴈驚且安跡於江漢其靜可知而  
楊子見乃引吳元濟鵝池為註事非矣今刪  
去

其二

三川北虜亂如麻四海南奔似永嘉

晉書曰

郿州洛郊縣有三川鎮秦武王謂甘茂曰寡  
人欲容車通三川窺周室戰國策三川周室  
天下之朝市此洛陽之三川也時祿山據洛  
陽陷長安北虜即祿山也天文志死人如亂  
麻晉書光熙元年十一月惠帝崩皇太弟熾  
立是為懷帝明年改元永嘉七月以平東將  
軍瑯琊王睿為安東將軍都督揚州江南諸  
軍事假節鎮建鄴二年劉元海僭號於平陽



稱漢四年元海死子和嗣弟聰弒和自立五  
年六月劉曜入京師百官士庶死者三萬餘  
人帝蒙塵于平陽七年正月聰大會使帝脅  
青衣行酒侍中庾珉號哭聰惡之帝遂遇弒  
自洛陽傾覆豫州刺史閭鼎挾秦王弟自宛  
趨長安六年九月奉為皇太子承制選置改  
元建興懷帝崩問至即位遣劉蜀舞琅邪王  
睿為侍中左丞相大都督陝東諸軍事改建  
鄴為建康四年八月劉曜逼京師十一月帝  
送踐於驛乘羊車出降蒙塵於平陽五年十  
一月聰出獵令帝行車騎將軍戎服執戟為  
導百姓觀之故老或歔歔流涕後大會使帝  
行酒洗爵反以更衣又使帝執蓋晉臣在坐  
者多失聲而泣尚書郎辛賓抱帝慟哭為聰  
所害十一月帝遇弒明年三月凶問至琅邪  
王即皇帝位諡曰史秦滅二周置三川郡  
漢武五子贊秦始皇即位三十七年內平六  
國外攘四夷死人如亂麻累骨長莖之下永



嘉晉懷帝年號時五胡亂華劉聰稱帝於平陽五年劉曜王彌僧京師懷帝蒙塵於平陽中原衣冠之族並左但用東山謝安石為君談南奔避亂於左

笑靜胡沙武舞侍中謝安未仕時盤桓東山

幽州三燕國諸軍事八年苻堅入寇戎卒六

十萬騎二十萬九月至項城安以弟石為大

都督玄為前鋒督其子謝琰桓伊等將兵

八千分拒之苻融克壽陽堅留大軍項城引

輕騎八萬就融遣朱序說石等序私謂石等

曰若百萬眾盡至誠難為敵今棄末集宜速

擊之石等從序言十一月女遣劉牢之率五

千騎趁洛澗未至十里梁成阻澗待之牢之

直渡擊破之斬成分兵斷其歸路秦步騎赴

淮水死者萬五千秦逼淝水為陣謝玄遣使

謂融曰君懸軍深入而置陣逼水此乃持久之計若移陣小却使晉兵得渡以決勝負不



亦善乎堅遂麾兵却兵退不可止玄琰桓伊  
等渡水擊之融馳騎率退者馬倒為晉兵所  
殺餘兵遂潰玄等追至青崗秦兵大敗自相  
踣藉者蔽野塞川其走者聞風聲鶴唳皆以  
為晉兵且至晝夜不敢息死者十七八復取  
壽春文選詩談笑却秦軍晉書謝安傳時符堅率眾百萬次下淮淝京師震恐加安征討大都督安夷然無恐色旋命駕出山墅親朋畢集方與客圍碁賭別墅遂游陟至夜乃還指授將帥各當其任既而兄子玄等破堅有驛書至安方對客圍碁看書既竟便攝放床上了無喜色碁如故客問之徐答云小兒輩遂以破賊既罷還內過戶限心喜甚不覺屐齒之折其矯情鎮物如此

### 其三



雷鼓嘈嘈宣武昌雲旗獵獵過尋陽

唐鄂州

江夏郡有武昌縣周鼓人掌教六鼓四金之音聲以節聲樂教為鼓而辨其聲用以雷鼓鼓神祀鄭司農謂雷鼓雷鼓六面昔東海流波之山有獸其音如雷命之為夔黃帝得之以作鼓楮以雷獸之骨聲聞五百里以威天下周司常熊虎為旗師徒建旗大司馬軍吏載旗考工記熊旗六旂以象伐則旗初不以雲為章也而云余亦猶虹旌霓旌取其高而已獵獵飛動貌江州尋陽郡武昌至尋陽七百里

禮張衡東都賦雲旗拂霓圖經武昌即今鄂州初吳孫權自公安徙治鄂更名曰武昌

陸機詩殞宮何嘈嘈王文考魯靈光殿賦耳嘈嘈以失聽

庾倉曰嘈嘈衆聲也鮑照詩獵獵晚風道廬山記江州郡本太

江之北尋水之陽故曰尋陽

秋毫不犯三



吳悅春日遙看五色光

見沛公史記項伯入

秋毫不敢有所近晉書溫嶠議遷都豫章三吳之豪請都會稽余嘗攷之吳王夫差都姑蘇

吳王渾都廣陵孫權都建鄴是謂三吳

紀慕容恪軍令嚴明秋毫無所敢取通鑑晉穆帝

其氣皆為龍成五色史記正義曰京房易兆

曰何以知賢人隱顏師古曰四方常有太雲五色具而不雨其下賢人隱矣魏文帝詩丹

### 其四

龍蟠虎踞帝王州帝子金陵訪古丘春風試

暖昭陽殿明月還過鵝鵲樓

日赫陵地形鍾



阜龍蟠石城虎踞謝玄暉詩金陵帝王州楚  
辭帝子降兮北渚西都賦曰昭陽特盛漢書  
註鳩鵲觀在雲陽甘泉宮外謝玄暉詩金波  
麗鳩鵲土贊曰金陵事見七卷上林賦過鳩  
鵲望露寒張揖曰昭陽鳩鵲樓殿名皆在長  
安此四句詩意是調永王謂金陵亦古帝都  
今為丘墟王其訪此當觸景而思昭陽鳩鵲  
之在長安者風月亦無人管領也悉離之悲  
藹然見於言外

其五

二帝巡遊俱未迴五陵松柏使人哀諸侯不

救河南地更喜賢王遠道來

齊書曰二帝明皇幸蜀肅宗即

在靈武俱未回長安也西都賦南望杜霸北眺五陵古詩古墓犂為田松柏摧為薪河南



洛陽也時祿山據洛陽日五陵高祖太宗高宗中宗睿宗之陵寢也張孟陽詩北望何壘壘高陵有四五古詩綿綿思遠道此詩白欲諷永王為勤王赴難之舉如本傳中所載廣琛等語是也詩以抒下情而遙諷論太白有之矣

### 其六

丹陽北固是吳關盡出樓臺雲水間千巖烽

火連滄海兩岸旌旗繞碧山有丹陽鎮潤州日大平州

今為鎮江府東南六十四里有丹陽縣京口記云回嶺入江懸水峻壁北望海口實為壯

觀因曰北固於此號北固山日括地志丹陽郡故在潤州江寧縣東南五里即今鎮

江府圖經丹陽山古雲陽縣也秦時亦言其地有天子氣始皇鑿北坑以敗其勢截直道



使阿曲故謂之曲阿天寶初號丹陽非晉漢  
 之丹陽也漢丹陽郡治宛陵晉丹陽郡治秣  
 陵山多赤柳故名北固山在鎮江府北一里  
 迴嶺下臨長江其勢險固即府治所據及甘  
 露寺基建康寶錄梁武帝幸京口登北固樓  
 遂改名北顧輿地志北固樓在北固山上天  
 色晴明望見廣陵城如青霄中鳥道相去五  
 十里今有望海樓在府治宋蔡襄經此題曰  
 望海樓城中最高處旁視甘露金山如屏障  
 中畫出信江南之絕致也後改曰連滄觀是  
 又摘太白詩語而名之太  
 白之詩信紀實之作也

其七

王出三山按五湖樓船跨海次陪都禹貢三

江既入震澤底定蓋豫章江為南江岷江為  
 中江漢江為北江同入彭蠡入于海震澤一



名大明一名五湖在蘇州吳江縣東應劭曰  
 江上施樓故為樓船揚州廣陵郡漢之江都  
 東至泰州九十里泰州東至海百十里以其  
 近故曰跨海易師左次無咎左傳過信為次  
 謝玄暉有晚登三山還望京邑詩晉王濬樓  
 船順流鼓棹徑造三山即此處舊經謂貢湖  
 遊湖胥湖梅梁湖金鼎湖鄴善長謂長塘湖  
 上湖昂湖與大湖而五韋昭云胥湖蠡湖兆  
 湖昂湖就大湖而五虞仲翔云太湖之水道  
 五道謂之五湖建康志序戰艦森森羅虎士  
 云坐鎮江准以為陪都  
 征帆一一引龍駒  
 齊賢曰禮記虎賁之士  
 贊曰通鑑梁徐溫曰金陵

艦形勝戰所聚

其八



長風掛席勢難迴海動山傾古月摧晉書曰

獲棄長風破萬里浪謝靈運詩掛席拾海月

書董卓傳君看帝子浮江日何似龍驤出峽

來巴蜀東凡二十餘萬晉書王濬為益州刺史武

下觀藉柯渡海者帝謀伐吳詔濬修船艦濬乃作大舡連舫百

二十步受二千餘人又畫鷁首恆獸於舡首

以懼江神舟楫之盛自古未有拜濬為龍驤

將軍於是統兵順流鼓棹

其九

士贊合十一篇而觀此篇用事非

識者必能辨之



祖龍浮海不成橋漢武尋陽空射蛟我王樓  
艦輕秦漢却似文皇欲渡遼齊書曰齊地紀  
秦始皇作石橋  
欲過海者日出處有神人能驅石下海石去  
不速神輒鞭之漢元封五年冬行南巡狩登  
瀛天柱山自尋陽浮江親射蛟江中獲之  
艦千里薄擬陽而出擬陽江州射蛟浦上積  
水相傳漢武教樓船於此唐高宗上元元年  
八月稱天皇而未曾渡遼渡遼乃文皇也否  
則上古天皇氏曾渡遼乎陳洽著更考之  
**贊**曰史秦始皇帝紀今年祖龍死蘇林註曰  
祖始也龍人君象謂始皇也又浮江下觀籍  
有渡海諸按天皇當作文皇盡高宗稱天皇  
未嘗伐遼按唐史太宗文皇帝嘗親征遼東  
帝渡遼水身到城下城潰以其地為遼州

其十



帝寵賢王入楚關掃清江漢始應還初從雲

夢開朱郎更取金陵作小山齊書曰張景陽

關註庚仲雍荊州記曰其北有四關魯陽伊

陵府有華容縣雲夢澤在南荊州襄江夏郡

志西陵縣有雲夢澤永王屯江陵則雲夢言

江陵也史記諸侯朝天子於天子之所立宅

舍曰郎漢書代王入代郎諸侯王朱戶故曰

朱郎謝玄暉詩黃旗映朱郎王逸楚辭序曰

招撫者淮南小山之所作也

江漢朝宗于海註正義曰括地志云江水源



耳本二澤名蓋人以二澤相近或合稱雲夢  
於江南之夢則是一澤名各別也韋昭曰雲  
夢今為縣屬江夏南郡華容今按地理志云  
江夏有雲杜縣是也漢書傳淮南王安為人  
好書招致賓客數千人八公之徒咸慕其德  
各竭材智著述篇章分其詞賦以類相次  
或稱大山或稱小山猶詩有大雅小雅也

### 其十一

試借君王玉馬鞭指揮戎虜坐瓊筵南風一  
掃胡塵靜西入長安到日邊晉書明帝  
見上洛陽在北江漢在南南風起則胡塵靜  
矣晉書只聞人自長安來不聞人自日邊來  
紀帝幼而聰括元帝所寵異數嘗置膝前屬



長安使來因問帝曰汝謂日真長安孰遠對  
曰長安近不聞人從日邊來居然可知也元  
帝異之明日宴羣僚又問之對曰日近元帝  
失色曰何乃異間者之言乎對曰舉目則見  
日不見長安由是益奇之太白入因之謂帝所  
為日邊宋蔡寬夫詩話云太白之從永王璘  
世頗疑之唐書載其事甚略亦不為辯其是  
否獨其詩自序云半夜水軍來潯陽蒲旌旛  
空名適自娛迫脅上樓船徒賜五百金棄之  
若浮煙辭官不受賞翻請夜郎天然太白豈  
從人為亂者哉蓋其學本出從橫以氣俠自  
任當中原擾攘時欲藉之以立奇功耳故其  
東巡歌有但用東山謝安石為君談笑靜胡  
沙之句至其卒章乃云南風一掃胡塵靜西  
入長安到日邊亦可見其志矣大抵才高意  
廣如孔北海之徒固未必有成功而知人其  
事在其所難議者或責以璘之猖獗而欲作  
以立事不能如孔巢父蕭穎士察於未萌斷



可矣若其志  
亦可哀矣

# 上皇西巡南京歌十首

**唐** 宗紀 按唐書

五載六月己亥祿山陷京師七月庚辰  
次蜀郡八月癸巳皇太子即皇帝位于  
靈武十二月丁未上皇天帝至  
自蜀郡大赦以蜀郡為南京

胡塵輕拂建章臺聖主西巡蜀道來  
劍壁門

高五千尺石為樓閣九天開  
**唐** 里子 日史記樗

南章臺之東曰後百歲是當有天子之宮夾  
我墓至漢興長樂宮在其東未央宮在其西  
武庫正直其墓天寶十四載十一月祿山反  
十二月隋東京明年隋潼關天子西幸祿山  
遂陷京師九天言高出九天之上  
輔故事建章宮在長安中劍門事見一卷註



卷之四

其二

九天開出一成都萬戶千門入畫圖草樹雲

山如錦綉秦川得及此間無九天之際安放

安屬王遠註東方皞天東南陽天南方赤天

西南朱天西成天西北幽天北玄天東北變

天中央鈞天蜀都賦既麗且崇實號成都漢

書武帝起建章宮度為千門萬戶

經成都即古之蜀郡唐改為益州總管府又

改益州為蜀郡明皇幸蜀駐蹕成都及還京

改蜀郡為成都府西都

其三

華陽春樹號新豐行入新都若舊宮柳色未



饒秦地綠花光不減上陽紅漢州唐

縣去州百五十里鹿頭關在焉唐志至德二

載以成都府為南京

華陽西極黑水南流今成都治成都華陽兩

縣新豐事見三卷註乃漢高帝聖孝養志之

事時肅宗即位於靈武尊明皇為太上皇故

用此事也秦地指長安上陽宮名在長安中

日上陽一

日上林

### 其四

誰道君王行路難六龍西幸萬人歡地轉錦

江成渭水天迴玉壘作長安筆橋江亦名

濯錦江俗云以此水濯錦則鮮明蜀都賦色



在成都西北曰行路難古樂府名易時  
 乘六龍以御天以喻天子之六轡也行幸字  
 義見漢書天迴地轉見一卷註華陽志錦江  
 橋之水濯錦則鮮明渭水貫長安城中事見  
 二卷註圖經玉壘山在茂州汶川縣東四里  
 及永康軍導江縣西北二十里漢地理志謂  
 出水所出

其五

萬國同風共一時錦江何謝曲江池漢書六

合同風西京雜記武帝於曲江頭大營亭館  
 以為燕賞之地李肇國史補進士既捷大宴  
 於曲江亭上曰按劇談錄曲江本秦時  
 隍州隍即碑字巨依切唐開元中疏鑿為勝  
 景南即紫雲樓芙蓉苑西即杏園慈恩寺范  
 卉環列煙水明媚都人遊賞盛於中和上巳



節石鏡更名天上月後宮親得照娥眉

晉書曰詩

云蟾首娥眉  
山在城北二百步一名武都山蜀記云武都  
山精化為女子蜀王納為妃不習水土而死  
王遣五丁於武都山擔土為冢故曰武擔今  
山有石照  
來其門焉

其六

濯錦清江萬里流雲帆龍舸下揚州北地雖

誇上林苑南京還有散花樓

晉書曰杜甫宅在成都府萬里

橋西百花潭北昔孔明送吳使至此曰萬里  
之行自此始因得名江自岷山經成都下三  
峽東至揚州揚子縣為揚子江長安有上林  
苑成都志宣華苑城上有散花樓隋蜀王秀



所立送吳使張溫曰劉光祖萬里橋記云孔明於此  
濯足萬里流南京見題註散花樓  
在錦城之上太白別有詩詠之

其七

錦水東流繞錦城星橋北掛象天星

錦江橋

秦相張儀所作以虹橋跨水彩畫相鮮恍若  
天外華陽志李冰造七星橋上應七星  
曰華陽志蜀郡名錦城蜀記云七星橋蜀太  
守李冰造上應七星李膺記一長星橋今名  
萬里二負星橋今名安樂三機星橋今名建  
昌四夷星橋今名竿橋五尾星橋今名禪尼  
六冲星橋今名永平四海此中朝聖主峨眉  
七曲星橋今名外仙  
山下列僊庭一名勝峯佛書以為晉賢大士



所居常有光相現中峯有普賢閣背倚白厓  
峯餘十七峯共環之茂真尊者舊庵在峯下  
其旁一峯號呼而應孫思邈所往來傳云茂  
真與孫常相呼而應故以名大峯絕頂有七  
寶巖巖下六十里半山間有白水寺寺前雙  
溪入林數十步合為一溪既出巖寶又散為  
寶現溪葉三藏自西域歸過溪見兩石子闕  
攬得其一今藏黑水寺石上有一目端正透  
底溪以此得名曰炤其石常五色光相  
曰圖經大峯山中峯山小峯山並在嘉州我  
眉縣南大峯山兩山相對如峯眉山記云其  
山周匝千里有石龕百一十二大洞十二小  
洞二十八南有臺中峯山有葛  
仙洞小峯山有李仙洞是為三峯

其八

秦開蜀道置金牛漢水元通星漢流天子一



行遺聖跡錦城長作帝王州

出嶺家山東至

漢中為漢水謝玄暉詩曰金陵帝王州

曰一行僧也唐史載玄宗狩蜀至成都過此

周橋名左右對曰萬里橋上因嘆曰開元末

僧一行謂朕曰更二十年國有難陛下當遠

遊至萬里之外此是也由是駐蹕成都一行

識之明皇實之故曰天子真一行遺此聖跡

也

### 其九

水綠天青不起塵風光和暖勝三秦萬國煙

花隨玉輦西來添作錦江春

齊書曰漢元年

王秦降將乃立章邯為秦王王咸陽以東至河

東丘長史欣為秦王王咸陽以東至河

東丘長史欣為秦王王咸陽以東至河



陽董翳為翟王王上郡都高奴八月漢王還  
定三秦立遲詩輕黃承王輦日三秦按  
史記註即秦關中地其一岐州雍縣其二排  
林塞在長安東今華州潼關其三秦所置上  
郡所謂三秦也楚辭  
光風轉蕙紀叢蘭也

其十

劒閣重關蜀北門上皇歸馬若雲屯少帝長

安開紫極雙懸日月照乾坤日惟蜀之門作

固作鎮是日劒閣壁立千仞郡道元水經註  
曰小劒北去大劒三十里連山絕險飛閣相  
迫尚書歸馬于華山之陽虞子陽詩雲屯七  
華土陞機從軍行胡馬如雲屯少帝肅宗也  
至德元載七月即位於靈武尊元宗曰上皇  
天帝二載九月廣平王做復京師十月復東



京帝至自靈武十二月上皇天帝至自蜀易  
日日月麗乎天重明以麗乎正此雙懸日月  
之意王武曰曹植表情注乎皇居心存乎紫  
極雙懸日月者東漢樂歌重光重輪之意也  
易曰懸象著明莫大乎日月  
蕭統文選序曰與日月俱懸

### 我眉山月歌

我眉山月半輪秋影入平羌江水流夜發清

溪向三峽思君不見下渝州

在嘉州我眉山縣

羅目嶺平羌江在嘉州龍遊縣有平羌山貢

州清溪縣乾德五年省入內江內江在州東

九十八里資州東至昌州二百二十八里昌  
州南至渝州三百里渝州治巴縣水自渝上  
合曰內江自渝由戎瀘上蜀曰外江自渝州  
明月峽至夔州西陵峽四千里巴峽明月峽



巫峽是謂三峽蜀都賦經三峽之崢嶸註巴東永安縣有高山相對相去可二十丈左右  
崖甚高謂之峽古歌曰巴東三峽巫峽長猿鳴三聲淚沾裳  
嚴道縣東北城下嘉州亦號平羌江在雅州西峽巫峽歸峽詳見二卷註圖經渝州即今重慶府治巴縣

### 我眉山月歌送蜀僧晏入中京

我在巴東三峽時西看明月憶我眉山月  
出我眉照滄海與人萬里長相隨黃鶴樓前月華  
白此中忽見我眉客我眉山月還送君風吹  
西到長安陌長安大道橫九天我眉山月照



秦川黃金獅子乘高座白玉塵尾談重玄我

似浮雲帶吳越君逢聖主遊丹闕一振高名

滿帝都歸時還弄我眉月

東郡郡西六十巴

里巴東縣我眉在三峽之西故曰西看許慎

註淮南子曰九天乃八方中央也自函谷西

至隴底相去千里曰關中亦曰秦川菩薩所

行或見在地或在虛空獅子座上或見在貝

多樹下晉書王衍妙善玄言唯談老莊為事

每捉白玉柄麈尾與手同色

前又圖經重慶府巴縣有石壁高四十丈有

孔若明月名曰明月峽又有廣德等峽亦謂

之三峽我眉山滄海黃鶴樓並見前註姚秦

為摩羅什譯維摩詰經曰文殊師利言東方

度三十六恒河沙國有世界名須彌相佛

須彌登王今現在彼佛身長八萬四千由旬



其獅子高八萬四千由旬第一  
帝詩西北有浮雲通與飄風會  
行行至吳會王褒論及其遇明君  
遭聖主也

### 赤壁歌送別

二龍爭戰決雌雄赤壁樓船掃地空  
烈火張天照雲海周瑜於此破曹公  
君去滄江望澄碧鯨鯢唐突留餘跡  
一一書來報故人我欲

因之壯心魄

勝項梁起少年謂彭越曰仲可

以效之越曰西龍方闢且待之盛弘之荊州  
記蒲坡縣汾江一百里南岸赤壁周瑜黃蓋  
乘大艦破魏武兵於烏林烏林赤壁東西一  
百六十里也予嘗往來江漢間研窮赤壁所



在正在今鄂州下流入十里與百人山相對  
江邊石皆紫赤色號為赤壁磯東坡賦所謂  
東望夏口西望武昌非曹公之赤壁也通鑑  
建安十三年九月曹操入荊州遣孫權書曰  
今治水軍八萬與將軍會獵於吳權遣周  
瑜迎擊遇操於赤壁初一交戰公軍數引次  
江北瑜在南岸部將黃蓋曰操軍方運船艦  
首尾相接可燒而走乃取蒙衝開艦數十艘  
實以油草裹以帷幙先書報操欺以欲降蓋  
預備走舸繫大船後時東南風急蓋中江舉  
帆白諸校使齊聲大叫曰降焉操軍吏皆出  
營觀望去北軍二里餘蓋放諸船同時發火  
火烈風猛船往如箭飛埃絕燭燒盡北船延  
燒岸上營落煙蔽漲天人馬燒溺死者甚衆  
瑜等率輕銳繼其後雷鼓大進軍遂敗退操  
引軍從華容道歸劉備與瑜追操至南郡左  
傳取鯨鯢而封之晉書刻畫無鹽唐突西施  
易云龍戰于野史記項羽紀項王謂漢



王曰天下匈匈數歲徒以吾兩人耳願真漢  
王挑戰尖雖雄漢縣布傳宜掃淮南之眾顏  
師古云掃者謂盡舉之如掃地之為謝眺詩  
迴歌碧江流左傳謀我而作京觀謂之封鯨  
鯨左傳樂折曰心  
之猶矣是謂魂魄

### 江夏行

憶昔嬌小姿春心亦自持為言嫁夫婿得免

長相思誰知嫁商賈令人却愁苦自從為夫

妻何曾在鄉土齊魯曰七發曰陶陽氣萬春

心選古詩上言長相思下言久離別

齊江朝請淶水曲春心既易蕩春流豈難越  
古羅敷行東方千餘騎夫婿居上頭蘇武詩  
生當復來歸死當長相思蔡琰胡笳日唯我



愁苦兮不暫參蘇武詩結髮為夫妻蔡去年  
我胡笳日無日無夜兮不思我鄉土

下揚州相送黃鶴樓眼看帆去遠心逐江水

流只言期一載誰謂歷三秋使妾腸欲斷恨

君情悠悠都南至江四十五里鄂州江夏郡

治江夏有黃鶴樓曹子建詩自期三年歸今

已歷九春與此意同李少卿詩臨河濯長纓

念子懷悠悠  
此詩大江流日夜客心悲未央詩云一日不

見如三秋兮魏文帝詩念君東家西舍同時

客遊思斷腸詩云悠悠我心東家西舍同時  
幾北去南來不逾月未知行李游何方作箇  
音書能斷絕適來往南浦欲問西江船正見



當壚女紅粧二八年

齊書曰左傳一介行李

手兮東行送美人兮南浦別賦送君南浦傷

如之何西江如謂揚州回蜀者漢書使文君

當壚女乘酒壺處選古詩我我紅粉粧宋王

招魂二八侍宿則述代又曰二八齊容起

舞王逸註二八二列也晉作公賄魏絳女樂

二八言大夫有二列之樂舞賦鄭女出進二

入徐侍皆謂二列非此二八也此二八者以

其年十六耳

東家施西家施能字平聲發破讀具音也東

章記南浦亭在廣潤門外往來艤舟之所唐

已有之矣司馬相如傳買一酒舍融酒而令

文君當壚韋昭曰壚酒肆也以土為壚邊高

似壚漢書註曰買酒處界土為壚以居一種

酒壺形如鐵並謝眺詩坐惜紅粧變一種

為人妻獨自多悲恹對鏡便垂淚逢人只欲



啼不如輕薄兒旦暮長相隨悔作商人婦青  
春長別離如今正好同權樂君去容華誰得  
知齊民要術曰沈休文詩長安輕薄兒  
江華又君行在天涯妾身長別離陸機詩曰  
容華一何治鮑明遠詩容華坐消歇端為誰  
辛苦

### 懷仙歌

一鶴東飛過滄海放心散漫知何在仙人浩  
歌望我來應攀玉樹長相待堯舜之事不足  
驚自餘囂囂直可輕巨鼇莫戴三山去我欲



蓬萊頂上行

晉書曰甘泉賦羣玉樹之青蔥

感扣牛角歌曰生不逢堯與舜禪此意謂堯舜之事亦聖人之所當為不足驚也孟子人知之亦置置曰東方朔十洲三島記曰滄海在北海中地方三千里海四面繞島各五千里水皆滄色孟子求放心楚詞臨風悅兮浩歌山海經崑崙之墟北有珠樹及玉樹珎琪樹列子曰巨鼇戴山事見第一卷賦註此詩太白瞻顧宗國繫心君王冀復進用之作也一鶴自喻仙比入君王樹比爵位時肅宗即位於靈武明皇就遜位時物議有非之者太白豪俠曠達之士亦曰法堯禪舜自古有之何足驚怪彼為是置置者不知古今直可輕也末句其拳拳安史之滅宗社之安或者用我乎身在江海心存魏闕白有之矣

玉真仙人詞



王真之仙人時往太華峯清晨鳴天鼓飄歛

騰雙龍弄電不輟手行雲本無蹤幾時入少

室王母應相逢

唐書曰太華山少華山在華州書疏云華山四州之縣東

北冀東南豫西南梁西北雍華山十字分之四隅為四州道書以叩齒為鳴天鼓抱朴子

曰元君者大神仙之人勝駕九龍十二白虎天下衆仙皆隸焉易曰雷電合而章高唐神

女朝為行雲少室山在河南府大人賦註西王母狀如人豹尾虎背蓬髮鬋然白首城金

室穴居其中**王真**曰王真仙人詞按唐史太極元年王真公主為道士築觀京師以方士

史崇玄為師其全傳曰王真公主字持盈始封崇昌縣主俄進號上清玄都大洞三景法

師天寶三載上言曰先帝許妾捨家今仍叨主第食租賦願去公主號罷邑司歸之王府



玄宗不許又言妾高宗之孫睿宗之女陛下  
之女弟於天下不為賤何必名繫主號實得  
沐然後為貴請入數百家之產延千年之命  
帝知至意乃許之燕寶應時竊意此詞必公  
主出家時時賢皆有詩  
以詠其事仙人褒稱也

清溪行

宣城一作清溪

清溪清我心水色異諸水借問新安江見底

何如此

深見底詩云洞徹隨深淺皎鏡無冬

春千仞寫橋樹百丈見遊鱗桐廬縣新安東  
陽二水合東流為所江  
宣城蓋發源於新安郡新安江者凡水發源於  
歙州在隋為新安郡新安江者凡水發源於  
徽者皆曰新安江自歙來者出黟山自休寧  
者出率山自績溪者出太障山自婺源者出



浙山自浙江浙休寧  
者為難三百六十  
人行明鏡中鳥度屏風

裏上如鏡中遊廬山有屏風道向晚猩猩

啼空悲遠遊子程程出交趾封溪似猿人面

能言語夜聞其聲如小兒啼程程曰山海經

楚詞有遠遊篇顧輕舉而遠遊選北征賦起

絕跡而遠遊陸機詩遊子歎天末江淹詩黃

雲蔽千里遊子何時還

訓殷明佐見贈五雲裘歌

我吟謝眺詩上語朔風颯颯吹飛雨謝眺已

沒青山空後來繼之有殷公粉圖珎裘五雲



色曄如晴天，散彩虹。文章彪炳光，陸離應是

素娥玉女之所為。輕如松花落，金粉濃似苔。

錦含碧，滋遠山。積翠橫海島，殘霞飛丹映江

草凝毫。採掇花露容，幾年功成奪天造。

賦宅在當塗青山下今隸太平州五雲表者  
五色絢爛如雲或以五雲名之江文通詩中

坐臥蛇虺揚子大人虎變其文炳也虎虎之  
類離騷長余佩之陸離張華詩閨草含碧滋

顏延年詩積翠亦慈羊  
謝眺觀月雨詩之全句也太白之所謂我吟

者吟詩特標調  
飛雨蕭瑟殺人魏文帝詩丹霞夾明月華

星出雲間上天無光彩五色一何鮮月禮五  
雲之新楚辭建室虹以招指沈休文詩標峯



絲虹外文宗燕光陸離素娥王女仙娥之名  
事見前謝莊月賦云集素娥於後庭曹植

遠遊詩自仙人翔其隅王女戚其阿江淹詩  
閨草含碧滋列子曰人之巧乃與造化者同

功故人贈我我不違着令山水含清暉頓驚

謝康樂詩興生我衣襟前林壑歛暝色袖上

雲霞收夕霏晉書靈運祖玄父瑒靈運襲封

康樂公題石壁精舍詩林壑歛暝色雲霞收

夕霏謝靈運詩曰張衡詩美人贈我金錯刀易曰

上之畫具此康樂詩之景羣仙長嘆驚此

物千厓萬嶺相縈鬱身騎白鹿行飄飄手翳

紫芝笑披拂相如不足誇鸛鶴王恭鸛毫安



可方瑤臺雪花數千點片片吹落春風香為

君持此綾蒼蒼上朝三十六玉皇下窺夫子

不可及矯首相思空斷腸龍矯山見美門乘

白鹿而行推朴子芝赤者如珊瑚黃者如紫

金皆光明洞徹如堅冰西京雜記司馬相如

初至成都以所著鸛鵒裘就市人揚昌買酒

晉書王恭嘗披鸛鵒裘涉雪而行孟昶窺見

之曰此真神仙中人離騷云望瑤臺之偃蹇

兮見有娥之佚女淮南子有娥在不周之北

長女簡翟少女建疵姊妹二人在瑤臺上毛

詩彼蒼蒼者天太白送權十一序曰素受簡

為三十六帝之外臣曹植詩云飄飄

隨長風絕照詩曰飄飄無定所郭璞詩飄飄

戲九垓四皓歌曄曄紫芝可以療飢莊子孰

居無事而披拂是莊子天之蒼蒼其正色邪



蔡琰胡茄曰天蒼蒼兮上無緣三十六王皇  
者道家所謂三十六天帝王也論語曰孰為

臨路歌

大鵬飛兮振八裔中天摧兮力不濟餘風激  
兮萬世游扶桑兮掛右袂後人得之傳此仲

尼亡兮誰為出涕

球碑遠振南裔阮脩大鵬

贊曰蒼蒼大鵬誕自北溟張景陽詩曰清風

激萬代  
鵬鳥象形鳳飛羣鳥從以萬數故以鵬為朋

黨字扶桑見一卷註孔子曰鳳鳥不至河不  
出圖吾已矣夫楚狂接輿歌而過孔子曰鳳  
兮鳳兮何德之衰往者不可諫來者猶可追



已而三而今之從政者殆  
而此詩太白自嘆之辭也

### 古意

君為女蘿草妾作兔絲花  
輕條不自引為逐  
春風斜百丈託遠松纏綿成一家  
誰言會面  
易各在青山崖  
女蘿發馨香兔絲斷人腸  
枝枝相糾結葉葉竟飄揚  
生子不知根因誰共  
芬芳中巢雙翡翠上宿紫鸞鴛  
若識二草心  
海潮亦可量

詩云為與女蘿施于松柏陸機

詩疏曰在草曰兔絲在水曰松蘿松蘿蔓而生枝正青兔絲蔓聯草上黃赤如金與松



薛殊異又長歌行女蘿亦有託呂氏秦或  
謂兔絲無根不屬地茯苓是也抱朴子兔絲  
之草下有伏兔之根無此兔則絲不得生於  
土然實不屬也古詩曰與君為新婚兔絲附  
女蘿張界與任彥堅書曰經綿思好虛子詩  
贈劉琨詩綿綿女蘿施于松柏西京雜記茂  
陵富人袁廣漢養紫鴛鴦上曰淮南子千  
歲之松下有茯苓生有兔絲諸家之註不同  
詩見二卷註張載詩經綿思彌深選古詩各  
在天一涯古詩馨香盈懷袖路遠莫致之何  
晏景福殿賦從風飄揚神女賦吐芬芳其若  
蘭阮籍詩婉嬖有芬芳又言笑吐芬芳又崇  
華振芬芳左思吳都賦翡翠留  
巢以重行曹植詩生有孤鶯鶯

山鷓鴣詞

苦竹嶺頭秋月輝  
苦竹南枝鷓鴣飛  
嫁得



山胡鴈壻欲銜我向鴈門歸山鷄翟雉來相

勸南禽多被北禽欺紫塞嚴霜如劍戟蒼梧

欲巢難背違我今誓死不能去哀鳴驚叫淚

沾衣背問有紫赤毛對帝交州異物志鳥象

雌雄名鷓鴣其去懷南不思北祖唐代州鴈

門郡治鴈門縣有鴈門塞吳都賦山雞歸飛

而來棲註名雞而黑色樹棲晨鳴今所謂山

雞者是驚蜥也合浦有之蜀都賦驚蜥山栖

註所謂山雞雄色斑雌色黑異死曰南方獻

山雞鑑石鏡而舞不止禹貢羽味夏翟孔安

國註雉也古今註秦築長城土色紫曰紫塞

前註兩雅山雞一名錦雞南越志鷄鵲山雞

也其色鮮明玉色炫曜紫塞見一表註書著



梧之野在今梧州蒼梧縣詩云鴻鴈于飛哀鳴嗷嗷謝玄暉詩鄉淚盡沾衣古詩下淚沾裳衣魏文帝詩不覺淚下沾衣裳

### 歷陽壯士勤將軍名思齊歌

歷陽壯士勤將軍神力出於百夫則天太后  
名見奇之授游擊將軍賜錦袍玉帶朝  
野榮之拜橫南將軍大臣慕義結十友即  
燕公張說館陶公郭元振為首余壯之遂  
作詩

太古歷陽郡化為洪川在江山猶鬱盤龍虎



秘光彩蓄洩數千載風雲何靈靈特生勤將

軍神力百夫倍

化爲魚鼈歷陽漢九江郡之

縣都尉治所唐爲和州歷陽郡有一老嫗常

行仁義兩書生過之謂曰此國當沒爲湖

視東城門有血便走上山勿反顧自此嫗數

往視門吏問知之殺難有血塗門嫗往視門

有血即走上

山國沒爲湖

### 草書歌行

少年上人號懷素草書天下稱獨步墨池飛

出北溟魚筆鋒殺盡中山兔八月九月天氣

涼酒徒詞客滿高堂牋麻素綃排數廟宣州



石硯墨色光吾師醉後倚繩床  
湏臾掃盡數千張飄風驟雨驚  
颯颯落花飛雪何茫茫起來向  
壁不停手一行數字大如斗恍  
恍如聞神鬼驚時時只見龍蛇  
走左盤右蹙如驚電狀同楚漢  
相攻戰湖南七郡凡幾家家屏  
障書題徧王逸少張伯英古來  
幾許浪得名張顛老死不足數  
我師此義不師古古來萬事貴  
天生何必要公孫大娘渾脫舞

**齊賢曰**  
國史補

長沙僧懷素自言得草聖三昧周越法書苑  
顏魯公與懷素同學草書於鄒兵曹或問張



長史見公孫大娘舞劍始得低昂回翔之狀  
兵曹有之乎懷素以古錢脚對魯公曰何如  
星漏痕魯公復問師何所得曰觀夏雲奇峯  
及壁折路當師之晉書江東獨步王文度九  
域志會稽有王右軍墨池莊子北溟有魚其  
名為鯢史記曰鄒生曰吾高陽酒徒也書斷  
素昂云韋誕字仲將服膺於張伯英兼邯鄲  
淳之法其字如龍拳虎踞劍拔弩張晉王羲  
之字逸小三十七書黃連經說室中有語卿  
書感我而兄人乎吾是天台丈人張芝字伯  
英性好書凡家之夜帛皆書而後練韋仲將  
云崔氏之肉張氏之骨其草草急就章字皆  
一筆而成國史補張旭書得筆法傳崔邈顏  
真卿旭言始吾間公主擔夫爭路而得筆法  
之章後見公孫氏舞劍器而得其神飲醉輒  
草書揮筆大叫以頭掘水墨中天下呼為張  
顛醒後自視以為神異幽閑鼓吹云旭為常  
熟尉上後旬日有老父過狀判去不數日復



至志曰敢以閑事屢擾公門老父曰其實非  
論事但睹公筆跡奇妙貴為筮筭之珍耳長  
史異之因詰其書老父愛書兼有善述長史  
取視之信天下工書者自是備得筆法之妙  
又曰長沙僧懷素好草書自言草聖三昧  
筆堆積埋山下號筆塚唐五行志長孫無忌  
以烏羊毛為渾脫帽人効之謂之趙公渾  
脫  
作子謂勤將軍歌亦他人者就  
釐而置之卷尾不復增註云

和盧侍御通塘曲

君誇通塘好通塘勝耶溪通塘在何處遠在  
尋陽西青蘿嫋嫋掛煙樹白鷗處處聚沙堤  
石門中斷平湖出百丈金潭照雲日何處滄



浪垂釣翁鼓棹漁歌趣非一相逢不相識出  
沒繞通塘浦邊清水明素足別有浣紗吳女  
郎行盡綠潭潭轉幽疑是武陵春碧流奈人  
雞犬桃花裏將比通塘渠見羞通塘不忍別  
十去九遲回偶逢佳境心已醉忽有一鳥從  
天來月出青山送行子四邊苦竹秋聲起長  
吟白雪望星河雙垂兩足揚素波梁鴻德耀  
會稽日寧知此中樂事多

陽郡吳都賦翹翹素女西京雜記閭王獻高  
帝白鵬黑鵬各一隻臨海記白石山有金潭



卷之八

三

金光煥然江淹詩金潭常澄微楚辭漁父苑  
爾而笑鼓枻而去乃歌曰滄浪之水清兮可  
以濯我纓會稽記縣東六里有西施浣紗石  
後漢書梁鴻扶風人同縣孟氏有女肥醜而  
黑擇對不嫁鴻聞聘之及嫁推髻布衣操作  
而前鴻喜曰此真梁鴻妻字之曰德耀孟光  
以作五噫之歌懼而適吳依大家皋伯通廡  
下為人賃舂每歸妻為具食舉案齊眉通異  
之舍於家謝靈運鄰中詩序良辰美景賞心  
樂事四者難并  
**晉書**謝靈運詩雲日相輝映江淹詩欲去復不忍  
而心醉王褒講德頌註曰商歌秋聲也漢武  
帝辭擊挂棹弓楊素波武陵桃花源及陽春  
白雲事  
並見前

分類補註李太白詩卷之八



分類補註李太白詩卷之九

贈

贈孟浩然

襄陽

吾愛孟夫子風流天下聞紅顏棄軒冕白首

卧松雲醉月頻中聖迷花不事君高山安可

仰徒此揖清芬

隱鹿門山

唐書孟浩然襄州人

張九齡王維雅稱道之維私召入內署俄而

玄宗至浩然匿床下維以實對帝喜曰朕聞

其人而未見也詔浩然出帝問其詩浩然再

拜自諡其詩至不才明主棄帝曰御不求見

朕未嘗棄卿今何誣我因放還莊子古之所

謂得志者非軒冕之謂也今之所謂得志者

謂得志者非軒冕之謂也今之所謂得志者



軒冕之謂也漢書石建老白首萬石君尚無恙也鮑照升天行曰雲卧恣天行孟浩然雲卧晝不起魏志時禁酒尚書郎徐邈私飲酒至沉醉校事趙達問以曹事邈曰中聖人達白之太祖太祖怒鮮于輔進曰平日酒客謂酒清者為聖人濁者為賢人易曰不事王侯高尚其志毛詩高山仰止王風流可知名晉傳語曰世之所謂名士者其風流可知矣晉書樂廣傳天下言風流者以王樂為稱首管子曰先王制軒冕以別貴賤謝玄暉詩志狹輕軒冕漢書獻帝詔曰耆儒年踰六十離本土結童入學白首空歸朕甚憫焉潘岳詩白首同所歸宋劉傳豫章王凝辟為參軍測曰性同麟羽愛止立壑春戀松雲輕迷人路縱是嚴流有若狂者陸機文賦誦先人之清芬

贈從兄襄陽少府皓



結髮未識事所交盡豪雄却秦不受賞擊晉

寧為功

秦白起破趙長平軍遂圍邯鄲魏使

新垣衍入邯鄲欲尊秦為帝時魯仲連游趙見垣衍言帝秦之害垣衍乃不敢言秦聞之

為却五十里平原君欲封仲連仲連不受擊

擊殺晉鄙矯奪魏軍將以却秦救趙侯嬴自

刺復有客說公子不以為功詳見三卷計

俱以雄豪著名東漢卓茂傳建武之初雄豪

方小節豈足言退耕眷陵東歸來無產業生

事如轉蓬一朝烏裘敝百鎰黃金空彈劒徒

激昂出門悲路窮

高祖不事家人生產作業



蓬花北土有之園樂如毬風起則隨地而轉  
不能自止戰國策蘇秦說秦書十上不從黑  
貂之裘敝黃金百斤盡乃擔橐而歸阮嗣宗  
詩黃金百鎰盡買達國語註一鎰二十四兩  
史記馮驩彈鋏而歌晉書阮籍時率意獨駕  
不由徑路車跡所窮輒慟哭而反晉書曰晉  
書胡毋輔之少擅高名有知人之鑑性嗜酒  
任縱不拘於小節史蘇秦傳出遊數歲大困  
而歸兄弟嫂妹妻妾竊皆笑之曰周人之俗  
治產業力工商逐什二以為務今子釋本而  
事口舌困亦宜乎曹植詩轉蓬離本根飄颻  
隨長風黃金百鎰字却出史虞卿傳漢書王  
章傳曰不自激昂揚吾兄青雲士然諾聞諸  
雄傳激昂萬乘之主

公所以陳片言片言貴情通棣華儻不接甘

與秋草同

齊賢曰史記閭巷之人欲砥行立  
名非附青雲之士惡能施於後世



我詩信之士也又張耳傳此然諾師古謂一許人  
然諾者又高能自立然諾選陸機謝表曰片  
言隻字不關其間鮑照詩片言辭草萊虛謔  
詩由余片言秦人是憚詩云常棣之華鄂不  
韡韡凡今之人莫如兄弟文選古詩過時若  
秋草萎將隨

淮海對雪贈傳一作淮南對

雪贈孟浩然

朔雪落吳天從風渡溟渤海樹成陽春江沙  
浩明月興從剡溪起思繞梁園發寄君郢中  
歌曲罷心斷絕齊賢曰禹貢淮海惟揚州鮑  
溟渤註溟渤二海名世說晉王徽之居山陰  
夜雪初霽月色清明四望皓然忽憶戴逵逵



時在剡便夜乘小船詣之經宿方至造門不  
前而反入問其故曰本乘興而來興盡而反  
何必見安道耶雪賦歲暮將暮時既昏寒風積  
愁雲繁梁王不悅遊于兔園俄而微霰零密  
雪下王乃歌北風於衛詩詠南山於周雅投  
簡於司馬大夫曰抽子秘思為寡人賦之又  
曰君寧見階上之白雪豈鮮輝於陽春宋玉  
對楚王問曰客有歌於郢中者其為陽春白  
雪和者不過數人王曰何人鮑照詩胡風吹朔  
雪千里度龍山謝惠連雪賦憑雲升降從風  
飄零鮑照詩  
海零心斷絕

### 贈徐安宜

白田見楚老歌詠徐安宜製錦不擇地操刀  
良在茲清風動百里惠化聞京師浮人暑雲



歸耕種滿郊歧川光淨麥壠日色明桑枝

舊唐書

曰左傳子產欲使尹何為邑子產曰少未知可否猶未能操刀而使割也其傷實多子有

美錦不使人學製焉大官大邑身之所庇也而使學者製焉其為美錦不亦多乎選詩清

風激萬代公羊曰京大也師衆也天子之居必以衆大之辭言之浮人流人也書畢命曰

中畫郊圻王僧達詩麥離多秀色東漢張堪為漁陽太守開稻田八十餘頃勸民耕種百

姓歌曰桑無附枝麥穗兩歧張君為政樂不

可支王真曰書名言茲在茲左思詩長肅激清風後漢書紀曰郎官出宰百里郭太傳名

震京師西漢梅福傳天下之士雲合歸漢魏文帝登城賦

嘉麥被壠 訟息但長嘯賓來或解頤青橙拂戶牖白水流園池遊子滯安邑懷恩未忍

李日

卷



辭翳君獨桃李歲晚托深期齊賢曰張衡四

匡衡傳諸儒語曰無說詩匡鼎來匡說詩解

入頤選詩方塘激百水又曰遊子暮何之漢

志安邑隸河東郡三曰魏氏春秋阮籍少

時嘗遊蘇門山有隱者莫知姓名籍從與談

太古之道及論五帝三王之義蘇門生蕭然

曾不經聽籍乃對之長嘯清韻響亮蘇門生

道爾而笑籍既降蘇門生亦肅若鸞鳳之音

焉楚詞云臨深水而長肅顏延年詩長嘯若  
懷人江淹詩遊子何時還晉書潘岳為河陽  
令植桃李入號曰河陽一縣花簡子曰唯賢  
者為能報恩樹桃李者  
夏得休息秋得實焉

贈任城盧主簿

海鳥知天風竄身魯門東臨觴不能飲矯翼



思凌空鐘鼓不為樂煙霜誰與同歸飛未忍

去流淚謝鴛鴦

魯東門展禽曰今茲海有災

乎夫廣川鳥獸常知避其災也是歲海多天

風選詩枯桑知天風莊子云昔者海鳥止於

魯郊魯侯御而觴之于廟奏九韶以為樂具

大牢以為膳鳥乃眩視憂悲不敢食一爵不

敢飲

早秋贈裴十七仲堪

遠海動風色吹愁落天涯南星變大火熱氣

餘丹霞光景不可迴六龍轉天車荆人泣美

玉魯叟悲乾瓜功業若夢裏撫琴發長嗟



言

王

曰大火心星詩云七月流火西流而暑退離  
騷為余駕飛龍兮雜瑤象以為車春秋命曆  
序皇伯登出扶桑日之陽駕六龍以上下楚  
詞馳六龍於三危下和抱玉璞泣於荆山下  
楚王使王工理之得寶玉號曰和氏之璧孔  
子曰吾豈匏瓜也哉焉能繫而不食  
南星即角亢氏房心尾之星史律書曰南至  
於亢南至於房南至於心南至於尾記月令  
季秋之月日在房註曰季秋者日月會于大  
火前漢律歷志大火初氏五寒露中房五度  
霜降終尾九度晉天文志自氏至尾為大火  
此言夏而秋也曹植詩曰白日西南馳光景  
不可攀周易曰時乘六龍以御天劉琨詩功  
業未及建夕陽忽西流韓子曰師消靜坐無  
能寐攝衣起撫琴裴生信英邁屈起多才華  
歷抵海岱豪結交魯朱家復攜兩少妾艷色



驚荷葩雙歌入青雲但惜白日斜都賦云神

明屈其特起禹貢海岱及淮為徐州漢書朱  
家魯人魯皆以儒教而朱家用使開所藏活  
豪士以百數關以東莫不延頸願交曰  
班彪王命論末見得屈起在斯位者也師古  
曰屈起特起也屈音其勿反臧榮敘晉書云  
張載有才華起家拜著作郎蘇武詩結交亦  
相因漢書季布楚人也為任俠有名籍使將  
兵數窘漢王籍滅高祖購求千金布匿驥陽  
周氏延髡布衣褐置廣柳車中之魯朱家所  
愛之朱家心知其季布也買置田舍乃之洛  
陽見汝陰侯滕公說曰季布何罪臣各為主  
用職耳項氏臣豈可盡誅耶今上始得天下  
而以私怨求一人何示人不廣也季布之賢  
漢求之急此不北走胡南走越耳滕公待間  
果言上乃赦布朱家亦以此名聞當世鮑明  
遠詩會得兩少妾曹植七啓悲歌入雲張華



詩白傾窮溟出寶貝大澤饒龍蛇明主儻見

收煙霄路非賒時命若不會歸應鍊丹砂

曰海賦云豈徒積太巔之寶貝與隋侯之明珠莊子窮髮之北有溟海左傳深山大澤實

生龍蛇葛洪以勾漏出丹砂求為勾漏令莊子孔子曰我諱窮久矣而不免命也求通久

夫而不得時也西漢揚雄傳君子得時則大行不得時則龍蛇不遇命也抱朴子曰丹砂

服之令人飛行長生曰海賦戲窮溟禮斗虛儀曰其金乘而王則江海出大貝明珠

贈范金卿二首

君子在清時不知東走迷離家未幾月絡繹

鳴中閨桃李君不言攀花願成蹊那能吐芳



信惠好相招攜

晉書曰漢李廣贊桃李不言

芳訊毛詩惠而好我攜手同行左傳招攜以禮

詩碩人美目盼兮註曰盼白黑分論語美目盼兮馬融註曰盼動目貌崔豹古今註莎雞

一名促織一名絡緯一名蟋蟀毛詩六月莎雞振羽七月在野八月在宇九月在戶十月

蟋蟀入我牀下又詩蟋蟀在堂歲事云暮我

顏延年詩曰君子吐芳訊感物測余衷

有結綠珠久藏濁水泥時人棄此物乃與燕

石齊撫拭欲贈之申眉路無梯遼東慙白承

楚客羞山雞晉書曰戰國策應侯謂秦王曰梁有結綠

周有砥礪宋有結綠曹植詩君如清路塵安若濁水泥關子曰宋之愚人得燕石於梧臺



之側藏之以為大寶周客問而觀之主人齋  
 七日端冕玄服以發寶革匱十重巾十襲客  
 見悅而掩口盧胡而笑曰此特燕石也其與  
 瓦甕不殊主人怒曰商賈之言醫匠之心藏  
 之愈固守之彌堅應德璉詩良遇不可值仲  
 眉路何階薛宣為書曉高陵令楊湛曰君自  
 圖進退可復伸眉論於後古書曰漢書司馬遷  
 傳遷欲仰者信眉論列是非朱浮與彭寵書  
 曰往時遼東有豕生子白頭異而獻之行至  
 河東羣豕皆白慙而還尹文子曰楚人握山  
 雞欺路人曰鳳凰路人曰我聞鳳凰今始見  
 矣請買千金弗與請加倍乃與之方欲獻楚  
 王經宿死不遑惜其金惟恨不得獻王徒有  
 王聞感之召厚賜之過買鳥之金十倍  
 獻芥心終流泣王啼祗應自索漠留舌示山

妻齊日嵇康絕交書曰野人有快矣背而  
 美芥子者欲獻之至尊雖有區區之意亦



已疎矣卞和抱玉璞泣於楚山下王褒曰列子昔宋國有田夫衣緼縕僅以過冬暨春東  
作自曝於日不知天下之有廣廈隄室綿纈  
孤務顧謂妻曰負日之暄人莫知者以獻吾  
君將有重賞里之富室告之曰昔人有美戎  
殺甘棠莖芥澤子者對鄉豪稱之鄉豪取而  
嘗之蜚於口慘於腹衆哂而怨之其人慙子  
此類也史張儀謂其妻曰視吾舌尚在否事  
見前  
卷註

## 其二

范宰不買名絃歌對前楹為邦默自化日覺  
冰壺清百里雞犬靜千廬機杼鳴浮人少蕩  
新愛客多逢迎遊子覩嘉政因之聽頌聲



曰莊子曰子貢遊楚為圖者曰子非博學以  
擬於聖于以蓋衆獨絳歌以賣名聲於天下  
者乎江文通書云退不飾詩書以驚愚進不  
買聲名於天下淮南子曰儒墨博學擬聖飾  
詩書以買名譽於天下論語子之武城聞絳  
歌之聲語顏淵問為邦鮑明遠詩清如玉壺  
冰後漢劉寵為會稽守徵為將作大匠山陰  
縣有五老叟自若耶山公間出人齋百錢  
以送寵曰他時吏發求民間至夜不絕或狗  
吠竟夕民不得安自明府下車狗不夜吠民  
不見吏今聞當見棄去故自扶奉送寵為人  
選大錢受之文選古詩札札弄機杼公羊曰  
什一行而頌聲作何休註太平歌頌之聲  
**賈**曰老子聖人云我無為而民自化後漢本  
紀明帝謂羣臣曰郎官上應列宿出宰百里  
有非其人受其災禍費禕傳丞相亮南征  
還羣僚於數十里逢血陸機詩遊子眇天末  
前賈山傳民有餘力而頌聲作左思魏都賦



頌  
而洋洋溢路

# 贈瑕丘王少府

皎皎鸞鳳姿飄飄神仙氣梅生亦何事來作

南昌尉清風佐鳴琴寂寞道為貴

晉書曰唐

治瑕丘縣晉志皎皎白緒晉書龍章鳳姿士

不見用漢梅福為南昌尉棄官去至元始中

一朝棄妻子夫九江至今傳以為仙呂氏春

秋夜子賤治單父彈鳴琴身不下堂而單父

治鮑明遠詩君平獨寂寞

相如傳曰飄飄然有凌雲氣世說曰王右軍

見莊弘治冀曰此神仙中人也胡廣書建鴻

葉流清風莊子曰恬然寂寞虛無無為天地

之平而道一見過所聞操持難與羣毫揮魯

德之應也



邑訟目送瀛洲雲我隱屠釣下爾當玉石分

無由接高論空此仰清芬其統也唐有隱論屠釣科太公朝歌廢夫謂

其統也唐有隱論屠釣科太公朝歌廢夫謂

孔公緒清談高論嗟枯吹生漢書卑之

東魯見狄博通

去年別我向何處有人傳道遊江東謂言掛

席渡滄海却來應是無長風詩掛席拾海月

海賦云維長綃掛帆席宗

見京兆韋參軍量移東陽二首吳中



潮水還歸海流人却到吳相逢問愁苦淚盡

日南珠齊賢曰東陽婺州吳地唐驩州日南郡產珠吳郡賦曰淵客慷慨而泣珠

註鮫人水底居俗傳鮫人從水中出寄寓人家積日賣綃臨去從主人索器泣而出珠滿

盤以與主人王粲曰尚書大傳曰大水小水

東流歸海楚詞吾不能變心而從俗固將愁

苦而然窮

然窮

### 其二

聞說金華渡東連五百灘全勝若耶好莫道

此行難猿嘯千谿合松風五月寒他年一攜

手搖艇入新安齊賢曰婺州治金華縣若耶溪隸越州桐廬縣新安東陽



江表志卷之四

七

二水合東流為浙江其新安之水至清淺深見底沈休文有詩曰南史陶淵明特愛松風毛詩攜手同歸

贈丹陽橫山周處士惟長

周子橫山隱開門臨城隅連峯入戶牖勝槩凌方壺時枉白紵詞放歌丹陽湖水色傲溟渤川光秀菰蒲當其得意時心與天壤俱閑雲隨卷舒安識身有無抱石恥獻玉沉泉笑探珠羽化如可作相攜上清都宣州廣德縣有橫山毛詩侯我於城隅列子渤海之東有五山三曰方壺唐禮樂志白紵吳舞丹陽湖



隸當塗縣鮑照詩穿池以溟渤謝靈運詩菰  
蒲冒清淺建康寶錄殷禮與張溫使蜀諸葛  
亮見而嘆曰江東流滿中有此奇才張景陽  
詩名與天壤俱何敬祖詩懸象迭卷舒東都  
賦沉珠於泉士武曰莊子善養曰余逍遙於  
天地之間而心意自得也淮南子曰余逍遙於  
為一龍一蛇盈縮春舒與時變化陶潛詞曰  
雲無心而出岫獻玉卞和事見二卷列子范  
氏有子曰子華善養私名舉國服之禾生子  
伯范氏之上客出行宿於田叟商立開之舍  
相與言子華之名勢能使存者亡亡者存富  
者貧貧者富商立開先窘於飢寒潛聽之因  
假糧荷耒之子華之門子華之門徒皆世族  
顧見商立開年老狎侮歎給亡所不為因拊  
河曲之遙隅曰彼中有寶珠冰可得也商立  
開從而冰之既出果得珠焉衆助同疑俄而  
范氏之藏大火子華曰若能入火取錦者從  
所得多少賞若商立開往無難色入火往還



堦不侵身不焦范氏之黨以為有道乃共謝  
之商丘開曰吾亡道雖吾之心亦不知所以  
曩子二客之宿吾舍也開譽范氏之執吾誠  
之無二心故不遠而來及來以子黨之言皆  
實也惟恐誠之之不至行之之不及不知形  
體之所措利害之所存也心一而已物無往  
者如斯而已今昉知子黨之誕我迫幸昔日  
之不焦溺也怛然而熱惕然震悸矣水火豈  
可復近哉自是之後范氏門徒遇乞兒馬醫  
不敢辱也晉許邁傳曰自後莫測所終好道  
者皆謂羽化矣楚詞  
造旬始而觀清都

玉真公主別館苦雨贈衛尉張卿二首

長安

秋坐金張館繁陰晝不開空煙迷雨色蕭颯



望中來翳翳昏墊苦沉沉憂恨催清秋何以

慰白酒盈吾杯吟詠思管樂此人已成灰獨

酌聊自勉誰貴經綸才彈劔謝公子無魚良

可哀詩久痼皆墊苦書下民皆墊殷仲文詩

獨有清秋日諸葛亮自比管樂乃管仲樂毅

也韓子曰人始死為灰終為土易雲雷屯君

子以經綸史記馮驩聞孟嘗君好客躡屩而

見之置舍十日問傳舍長曰客何所為答曰

馮先生甚貧猶有一劍彈其鋏而歌曰長鋏

歸來乎食無魚遷之幸舍食有魚矣王陸機詩曰昔為七尺軀今成灰與塵陶潛詞

景翳翳以將入漢書陳勝傳夥涉之為王沉

沈者校獵賦曰沉沉容容

楚詞風飄飄兮木蕭蕭

卷之九



其二

苦雨思白日浮雲何由卷稷卨和天人陰陽  
乃驕寒秋霖劇倒并昏霧橫絕巘欲往咫尺  
塗遂成山川限濼濼奔溜聞浩浩驚波轉泥  
沙塞中途牛馬不可辨飢從漂母食閑綴羽  
陵簡園家逢秋蔬藜藿不滿眼蠨蛸結思幽  
蟋蟀傷徧淺厨竈無青煙刁机生綠蘚晉書曰魏  
文帝秋霖賦曰悲白日之不暘稷卨舜臣楊  
子聖人和同天人之際書三公燮理陰陽意  
以議當時執政者天文志有玉井一星濼在  
宗切莊子秋水時至百川灌河經流之大兩



疾清崖之間不辨牛馬漢書韓信從漂母食  
穆天子傳云天子曝蠹書於羽陵左傳斬之  
蓬蒿蕪穰而共處之漢鄭昌曰山有猛獸藜  
藿爲之不採毛詩蠨蛸在戶蠨蛸名長跼小  
如蜘蛛長脚者俗呼爲喜子爾雅蟋蟀蛩郭  
璞註云促織也亦名蜻蛚

**王寶**曰左傳申豐  
曰秋苦無雨古詩浮雲蔽白日班固東都賦  
統和天人漢宣帝紀問者陰陽錯謬風雨不  
時楚詞皇天淫泆而秋霖兮后土何時而得  
乾唐書五行志天寶中霧昏暗十步外不見  
人是謂晝昏前漢書溝洫志豈其與水爭咫尺  
之地哉張良傳日夜望咫尺之地韓子曰  
耦耜之飯藜藿之羹也詩東山二章云蠨蛸  
在戶小序曰二章言其思也故曰結思幽鮑  
照詩嘆息空房婦幽思坐自傷勞心結遠客  
惆悵獨未央詩唐國風蟋蟀刺晉僖公也險  
不中禮故作是詩以閔之欲其及時以禮自  
娛樂也此晉也而謂之唐本其風俗憂深思



遠儉而用禮乃有堯投筋解鷄鷄換酒醉北

堂丹徒布衣者慷慨未可量何時黃金盤一

斛薦擯御功成拂衣去搖曳滄洲傍

晉書曰唐潤州

丹陽郡治丹徒縣南史劉穆之世居京口帝西討劉毅以諸葛長人監留府留穆之輔之

長人果有異謀穆之厚為之備謂所親曰貧賤常思富貴富貴必蹙危機今日思為丹徒

布衣不可得也穆之少時家貧好往妻兄家乞食每食畢求擯御江氏兄弟戲之曰擯拂

消食君乃常飢何忽須此及為丹陽尹召妻兄弟令厨人以金盤貯擯御一斛以進之謝

靈運詩拂衣五湖裏搖曳起長津謝玄暉詩復協滄洲趣

士

曰老子功成名遂身退天

之道也左思詩功成取受賞



贈韋秘書子春二首

谷口鄭子真躬耕在巖石高名動京師天下

皆籍籍斯人竟不起雲卧從所適苟無濟代

心獨善亦何益孟賢曰揚子谷口鄭子真耕於巖石之下名震京師劉屈

麓傳曰事籍籍如此何謂秘也孟子曰窮則獨善其身達則兼善天下

鮑龔傳序曰谷口鄭子真不詘其志躬耕於巖石之下名震京師漢書江都王建傳國中

口語籍籍後漢趙壹傳名動京師士大夫想望其風采論語斯人也而有斯疾也鮑明遠

詩曰雲卧恣天行惟君家世者偃息逢休明莊子云自適其適

談天信浩蕩說劍紛縱橫謝公不徒然起來



為蒼生秘書何寂寂無乃羈豪英且復歸碧

山安能戀金闕舊宅樵漁地蓬蒿已應沒却

顧女几峯胡顏見雲月

晉桓玄曰德

矢七略曰齊田駢好談論齊人語曰天口駢

劍故以劍見王南史王融自恃人也三十內

望為公輔及為中書郎嘗察按嘆曰為爾寂

寂鄧禹笑入三輔失錄張仲蔚平陵人所居

蓬蒿沒人九域志女几山在河南府福昌縣

本宜陽縣有女几山

是其家傳七世矣謝靈運詩生華休明世親

逢英達顧史荀卿傳駢衍之術迂大而閑辨

故齊人頌曰談天術劉向別錄曰駢衍之所

言五德終始天地廣大書言天事故曰談天

書曰蕩蕩懷山襄陵浩浩滔天揚雄解嘲一



縱一橫論者莫當晉書謝安放情立壺高卧  
東山諸人每相與言安石不肯出當如蒼生  
何漢書酈食其傳豪  
英賢才皆樂為之用

## 其二

徒為風塵苦一官已白鬚氣同萬里合訪我  
來瓊都披雲觀青天捫蝨話良圖留侯將綺  
里出處未云殊終與安社稷功成去五湖

**晉**

曰晉樂廣善談論脩瓘曰此人之水鑑見之  
望然若披雲霧而觀青天留侯綺里季事見  
四卷繫辭曰君子之道或出或處范蠡佐勾  
踐滅吳反至五湖辭曰臣不復至越國矣乃  
裝其輕寶珠玉與私徒屬乘舟浮於五湖

**晉**

曰晉庾翼與兄冰書曰兄弟自不能拔脚



於風塵之外莊子知效一官晉書載記王猛  
字景略隱于華山棲佐世之志桓溫入關猛  
披褐而詣面談當世之事捫虱而言旁若無  
人左思詩曰夢想騁良圖老子曰功成名遂  
身退天之道也左  
思詩功成取受賞

贈韋侍御黃裳二首

太華生長松亭亭凌霜雪天與百尺高豈為  
微飆折桃李賣陽豔路人行且迷春光掃地  
盡碧葉成黃泥願君學長松慎勿作桃李受  
屈不改心然後知君子  
晉書曰華州華山一名太華杜篤首陽山  
賦長松落落卉櫛蒙蒙劉公幹詩亭亭山上  
松七發曰高百尺而無枝鮑照詩豔陽桃李



節應璩詩身墮沉黃泥禮記如松栢之有心也貫四時而不改柯易葉論語如松栢之有松栢之後凋也上曰孫綽天台賦落之長松淮南子曰夫大寒至霜雪降然後知松栢之茂也莊子天與之形楊雄賦刮野掃地漢書贊上古遺烈掃地盡矣荀卿子曰桃李舊榮於一時時至然後殺至於松栢經隆冬而不凋蒙雪霜而不變可謂得其真矣史孔子世家顏回曰夫子之道至大故天下莫能容子雖然夫子推而行之不容有病不容後見君

## 其二

見君乘驄馬知上太山道此地果摧輪全身以為寶我如豐年玉棄置秋田草但易冰壺



心無為嘆衰老

晉書

曰魏武帝詩北上太行

車輪為之摧詩君子遭亂相招為祿仕全身

遠害而已左傳曰我以不貪為寶齊隱朋曰

古者以愚全身選古詩榮名以為寶鮑照詩

清如玉壺冰

又人惡老

而逼衰

### 贈薛校書

我有吳越曲無人知此音姑蘇成蔓草麋鹿

空悲吟未誇觀濤作空辭鈞鼇心舉手謝東

海虛行歸故林

齊賢曰宋王招魂吳歎蔡謳

不復鼓琴無知音也吳閶閭起臺於姑蘇山

去國三十五里春夏游焉夫差高而飾之三



年乃成橫亘五里宮妓千人別立春霄宮伍  
被傳曰吾見麋鹿遊姑蘇之臺按乘七發曰  
將以八月之望與諸侯遠方交游兄弟並往  
觀濤乎廣陵之曲江列子龍伯國有大人一  
釣而連六鰲王寶曰吳越春秋伍子胥曰臣  
必見越之破吳豕鹿遊於姑蘇之臺荆榛蔓  
於宮闕詩野有蔓草楚詞心鬱鬱  
之憂思兮潘尼詩舉手對吾揖

### 贈何七判官昌浩

有時忽惆悵匡坐至夜分  
平明空嘯咤思欲解世紛  
心隨長風去吹散萬里雲  
羞作濟南

生九十誦古文

晉書曰楚詞惆悵兮私自憐  
光武紀講論經理夜分乃寢

史魯仲連曰所貴於天下之士者為人排患  
釋難解紛亂而無取也宗穀頌乘長風破萬



里浪漢書伏生濟南人名勝故為秦博士孝  
文時求能治尚書者天下亡有聞伏生治之  
欲召時伏生九十餘老不能行於是詔太常  
掌故晁錯往受之  
**漢書**曰莊子原憲匡坐而  
弦漢叔孫通傳先平明晉孝武紀論曰嘯咤  
成雲晉載記王猛傳屬出事紛紜孔安國尚  
書序濟南伏生年過九十失其本經口以傳  
授裁二十餘篇以其上古之書謂之尚書至  
魯共王好治宮室壞孔子舊宅以廣其居於  
壁中得先人所藏古文虞夏商周之書以所  
聞伏生之書考論文義定其可  
知者焉隸古定更以竹簡寫之不然拂劍起

沙漠收奇勲老死阡陌間何因揚清芬夫子

今管樂英才冠三軍終與同出處豈將沮溺

羣

**晉書**曰曹子建詩揚聲沙漠垂風俗通曰  
南北曰阡東西曰陌諸葛亮自比管樂張



晏曰若霍去病功冠三軍因封為冠軍侯論  
語長沮桀溺耦而耕孔子過之使子路問津  
焉長沮曰夫執與者為誰子路曰為孔丘曰  
是魯孔丘與曰是也曰是知津矣問於桀溺  
桀溺曰子為誰曰為仲由曰是魯孔丘之徒  
與對曰然曰滔滔者天下皆是也而誰以易  
之且而與其從辟人之士也豈若從辟世之  
士哉輟而不輟子路行以告夫子憮然曰鳥  
獸不可與同羣吾非斯人之徒與而誰與天  
下有道立不與易也王曰晉桓冲傳史臣  
曰揚芬千載之上陸機文賦誦先人之清芬  
北史高琳詩沙漠靜妖氛易繫辭曰或出或  
處

讀諸葛武侯傳懷贈長安崔少府叔封

昆季



卷之五

十七

漢道昔云季羣雄方戰爭霸圖各未立割據  
資豪英赤伏起賴運卧龍得孔明當其南陽  
時隴畝躬自耕魚水三顧合風雲四海生武  
侯立岷蜀壯志吞咸京何人先見許但有崔

州平

孫資曰羣雄比袁紹呂布袁術曹操公

赤伏

符曰劉秀發兵捕不道四夷雲集龍聞

野四

七之際火為主蜀志徐庶見先主曰諸

葛孔明

卧龍人也將軍豈願見之乎先主曰

君與俱

來庶曰此人可就見不可屈致也將

軍宜枉

駕顧之先主遂詣亮凡三往乃見出

師表曰

臣本布衣躬耕南陽先帝猥自枉屈

三顧

臣於草廬之中本傳曰亮躬耕隴畝好

為梁父

吟又曰先主於是與亮情好日密曰



孤之有孔明猶魚之有水也又曰亮之素志  
進欲龍驤虎視包括四海武侯出師五丈原  
屯田爲久駐之基志吞咸陽也亮每自比於  
管仲樂毅時人莫之許也惟崔州平徐元直  
與亮友善謂爲信然王國曰蜀志諸葛亮本  
傳詔策曰將建殊功於季漢陸機辯亡論羣  
雄蜂起義兵四合班固賓戲於是七雄虢闕  
分裂諸夏龍戰而虎爭管子霸言弱國衆合  
強以攻弱以圖霸本傳先主曰孤欲信大義  
於天下計將安出亮曰曹操據百萬之衆挾  
天子而令諸侯此誠不可與爭孫權國險而  
民附賢能爲之用此可爲援而不可圖荆州  
北據漢沔利盡南海東連吳會西通巴蜀此  
用武之國益州險塞沃野千里天府之土若  
跨有荆益保其巖阻西和諸戎南撫荊越外  
結好孫權內修政理則霸業可成漢室可興  
矣陸機辨亡論故遂割據山川跨制荆吳漢  
書酈食其傳豪英賢才皆樂爲之用東漢書



贊曰咸能感會風雲奮其智勇曹植與吳贊  
書曰左顧右盼謂若無人豈非君子壯志哉  
本傳建興元年封武鄉侯開府治事咸陽也  
拯物情晚途值子玉華髮同衰榮託意在經  
濟結交為弟兄毋令管與鮑千載獨知名  
曰晉書何無忌曰天下草澤之中無非英雄  
也南史劉裕不復能草間求活管仲曰生我  
者父母知我者鮑叔  
華髮墮顛而後可用東漢蔡邕傳垂翼華髮  
人爵不升管  
鮑事見三卷

贈郭將軍

將軍少年出武威入掌銀臺護紫微平明拂



劍朝天去薄暮垂鞭醉酒歸愛子臨風吹玉

笛美人向月舞羅衣疇昔雄豪如夢裏相逢

且欲醉春暉齊書曰九城志涼州武威郡唐

一名紫微宮張良傳後五日平明與我會此

古詩被服羅裳衣選詩蘋以春暉

詩平生少年時鮑照詩風靡無臺阮漢書長

孫通傳先平明沈約詩薄暮宿蘭池漢呂后

傳終日春薄暮詩云既醉

以酒楚詞臨風悅兮浩歌

駕去溫泉後贈楊山人

少年落魄楚漢間風塵蕭瑟多苦顏自言管

葛竟誰許長吁莫錯還閉關田史記酈

食其家貧落魄



楚漢間乃興元以東彭越以西皆為者管仲  
諸葛亮也文中子劉伶古之閑閑人也阮逸  
日閑閑喻藏身也曹植詩蒙霧犯風  
座賓融傳論日始以豪俠為名拔起風塵之  
中魏武帝苦寒一朝君王垂拂拭剖心輸丹  
行樹木何蕭瑟

雪曾臆忽蒙白日回景光直上青雲生羽翼

曰名聲篇白曰西南馳史須臾曰君能

**詩**

曰致於青雲之上魏文帝詩身體生羽翼

**詩**

曰鄉陽書曰兩主二臣剖心析肝豈移於

**詩**

浮辭我王繫登樓賦氣交憤於曾臆曹植求

**詩**

通親親表若葵藿之傾太陽雖不為回光然

**詩**

向之者誠也臣竊自比於葵藿若垂三光之

**詩**

明寔在陛下孔稚圭北山

**詩**

華陪騶輦出鴻都

**詩**

身騎飛龍天馬駒王公大人惜顏色金章紫



綬來相趨

**晉書**曰明堂位曰鸞車有虞氏之

與就馬則輦在人駕在馬也後漢靈帝紀置

鳴都門學生註曰鳴都門名也於內置學唐

禁中有飛龍殿西域傳大宛國崑山上有馬

不可得因取五色牝馬置其下與集生駒號

天馬子徐樂書身非王公大人名族之後

**漢書**元鼎四年馬生渥洼水中作天馬

之歌前漢百官表丞相秦官金印紫綬當時結交何紛紛片言

道合惟有君待吾盡節報明主然後相攜卧

白雲王粲曰蘇武詩結交亦相

溫泉侍從歸逢故人

**齊書**曰唐志京兆

有宮在驪山下貞觀十八年置咸亨二

年始名溫泉宮天寶元年更驪山曰會



漢書地理志

昌六年更溫泉曰華清宮治湯井為池  
環山列宮室築羅城置百司及十宅七  
載省新豐更會  
昌及山曰昭應

漢帝長楊苑誇胡羽獵歸子雲叨侍從獻賦

有光輝激賞搖天筆承恩賜御衣逢君奏明

主他日共翻飛賜以宮錦袍毛詩雛飛惟鳥

傳瑞生光輝劉琨詩有鳥翻飛不遑休息王

漿詩苟非鵬  
鵬執能飛翻

### 贈裴十四

朝見裴叔則朗如行玉山黃河落天走東海



萬里寫入胃懷間身騎白黿不敢度金高南  
山買君顧徘徊六合無相知飄若浮雲且西  
去晉書裴楷字叔則風儀高邁時人謂之王人又稱見裴叔則如近玉山照映人  
也黃河出崑崙崑崙山在唐吐蕃中隸大羊同國  
極西為最高其流入中國勢猶從天而落也  
禹貢同為逆河入于海列女傳鄭子晉者楚  
成王夫人初成王登臺子晉不顧王曰顧吾  
冀女千金子晉行不顧王濟曰漢高后傳徘徊往來息夫躬傳鸞徘徊兮司馬相如傳彈  
節徘徊淮南子註上下四方為六合楚詞樂  
莫樂兮新相知世說時目王右軍飄如遊雲  
矯若驚龍選詩  
西北有浮雲

# 贈崔侍郎



黃河二尺鯉本在孟津居點額不成龍歸來

伴凡魚

都道所湊古今曰孟津地名在洛北

山在河東界禹鑿山斷如門一里餘黃河自

中流下兩岸不通車馬每暮春有黃黑鯉魚

自海及諸川爭來赴之得上者便化為龍又

林登云龍門之下每暮春有黃鯉魚逆流而

上一歲中登龍門者不過七十二初登龍門

即有雲雨隨之天火自後燒其尾乃化為龍

其龍門水峻前湧下流七里深三里或云不  
能登門即被點額而退  
士貢曰又桑欽水經  
河水又南得鯉魚鄺道元註曰歷潤東入窮  
溪首便其源也爾雅曰鯉鰌也出鞏穴三月  
則上渡龍門得渡為龍矣否則點額而還非  
夫往還之會何能便有茲稱乎水經註魏土  
地記曰梁山北有龍門山大禹所鑿通孟  
津河口廣八十步巖際鐫跡遺功尚有故



人東海客一見借吹噓風濤儻相見更欲凌

崑墟

齊賢註

曰爾雅曰河出崑崙崑崙虛色白郭璞

基也

士贊

曰史項羽紀曰若非吾故人乎後

漢楊震謂

王密曰

故人知君君不知故人何

也

後漢郭泰初遊雒陽時人莫識陳留符融

一見

嗟異因以介於河南尹李膺又郭泰謂

孔公緒

清談高論壺沽吹生前漢皇后傳謠

曰張公子

時相見桑欒水經崑崙崑崙在西北去

嵩高五萬里

地之中也其高萬一千里河水

出其東

止陳山海經曰崑崙墟在西北河水

出其東

北隅

北隅

### 述德無陳情上哥舒大夫

人為國家孕英才森森矛戟擁靈臺浩蕩深



謀噴江海縱橫逸氣走風雷丈夫立身有如

此一呼三軍皆披靡衛青謾作大將軍白起

真成一豎子

晉書曰北史李義深有當世才而用心險峭時人語曰劇哉森

森李義深莊子曰不可內於靈臺郭象註靈

臺者心也蘇秦為縱張儀為橫太史公曰夫

行道揚名於後世史記項王大呼衆皆披靡衛青

皆披靡後漢鮑期曠目大呼衆未嘗困絕白起郿

人為武安君為秦將殺趙括降趙長平卒四

十萬人盡坑之阮籍曰世無英雄使豎子成名  
名士曰離騷怨靈脩之浩蕩晉王廙字世  
將庾亮見其倚船樓長嘯曰正足舒其逸氣  
耳衛青平陽人也以衛皇后親為大中大夫  
後擊匈奴有功拜大將軍白起郿人也善用



兵事秦昭王後遷為武安君以伐趙不肯行賜劍自殺二事並見史記本傳

雪讒詩贈友人 四言

嗟予沉迷猖獗已久五十知非古人嘗有立言補過庶存不朽包荒匿瑕蓄此煩醜月出

致譏貽愧皓首 晉書曰劉公幹詩沈迷簿領

六十化未嘗不始於是之而訕之以非也未知今之所謂是非五十九非也左傳叔孫豹曰太上有立德其次有立言雖久不廢此之謂不朽孔子稱孟僖子曰能補過者君子也周易包荒不遺遺左傳瑾瑜匿瑕詩月出刺好色也在位不好德而悅美色焉 王曰後漢張衡圖緯疏立言於前有證於後智者貴焉左傳人誰無過過而能改善莫大焉能補



過者社稷之固也李少陵詩感悟遂晚事往

日遷白壁何華青蠅屢前羣輕折軸下沉黃

泉衆毛飛骨上凌青天萋萋暗成貝錦粲然

泥沙聚埃珠玉不憐洪燄爍山發自纖煙蒼

波蕩日起于微涓交亂四國播于八埏拾塵

掇蜂疑聖猜賢哀哉悲夫誰察予之貞堅

曰白頭吟曰玷白信蒼蠅註蒼蠅之為蟲汚

白使黑詩青蠅大夫刺幽王也營營青蠅止

于樊豈弟君子無信讒言漢中山靖王勝曰

張儀傳曰積羽沈舟羣輕折軸衆口鑠金積



毀銷骨蘇秦傳周書曰綿綿不絕蔓蔓奈何  
毫釐不伐將用斧柯丁鶴曰壞崖破巖之水  
原自涓涓干雲蔽日之木起於葱青詩讒人  
罔極交亂四國封禪文曰上暢九垓下泝八  
埏呂氏春秋曰孔子窮陳蔡之間七日不嘗  
粒晝寢顏回索米得而爨之幾熟孔子望見  
回攬其甑中而飯之少選間熟謁孔子而進  
食孔子起曰今者夢見先君食粟故饋回曰  
不可向者始煤入甑中棄食不祥回攬而飯  
之孔子笑曰所信者目矣目猶不可信也所  
恃者心矣而心猶不足恃高誘曰始煤煙塵  
也始讀作臺說苑王國君前毋子伯奇後毋  
子伯封兄弟相愛後母欲其子為太子言王  
曰伯奇愛妾王上臺視之後母取蜂數十衣  
中往遇伯奇往視袖中殺蜂王見讓伯奇出  
使者就袖中有死蜂使者白王王見蜂追之  
已自投河中陸士衡君子行曰撥蜂滅天  
拾塵惑孔顏



泉司馬彪詩上凌青雲霓穀梁傳曰軍士聚  
然皆笑郭璞詩粲然啓玉齒蔡邕釋誨曰懼  
煙炎之燬燔註煙炎火之細微者師古曰燬  
本音延孟康曰燬地户八際也孔子家語孔  
子厄於陳蔡從者七日不食子貢以所齎貨  
竊圍而出告余於野人得米一石焉顏回仲  
由炊之於塿屋之下有埃墨墮甑中顏回取  
而食之子貢自井望見之不悅以爲竊食也  
入問孔子曰仁人廉士窮改節乎孔子曰改  
節即可稱於仁廉哉子貢曰若回也其不改  
節乎子曰然子貢以所飯告孔子子曰吾信  
回之爲仁久矣雖女有云弗以疑也其或者  
必有故乎改止吾將問之召顏回曰疇昔予  
夢見先人豈或啓佑我哉子炊而進飯吾將  
進焉對曰向有埃墨墮飯之中欲置之則不  
潔欲棄之則可惜回即食之不問祭也孔子  
曰然乎吾亦食之顏回出孔子顧謂二三子  
曰吾之信回也非特今日也二三子由此乃



服之列女傳尹吉甫前妻子伯奇後妻子伯  
封伯奇事後母至孝後母欲其子伯奇封為太  
子言於吉甫曰伯奇好妾若不信試上臺觀  
之後母取蜂除其毒而置於衣領之中使伯  
奇視而殺之吉甫使讓伯奇使者見其袖有  
死蜂以白吉甫使追之已投于河矣東方朔  
非有先生傳曰龍逢比干獨如彼豈不哀彼  
哉漢書孝惠紀遭呂太后虧損至德悲夫彼  
人之猖狂不如鵲之彊彊彼婦人之淫昏不  
如鷦之奔奔坦蕩君子無悅簣言擢髮續罪  
罪乃孔多傾海流惡惡無以過人生實難逢  
此織羅積毀銷金沉憂作歌天未喪文其如  
余何

**齊**

彊彊曰詩鷽之奔奔鷽之彊彊鄭箋奔  
奔言其居有常匹飛則相隨之貌



以刺宣姜與公子頑非匹偶不如鸛鵲也詩  
曰鸛鵲語曰君子坦蕩蕩詩巧言如簧范曄  
謂須賈曰汝罪有幾曰擢賈之髮以續賈之  
罪尚未足曹植詩沉憂令人老子曰天之未  
喪斯文也匡人其如予何王粲曰詩鸛鵲之奔  
奔刺衛宣姜也衛人以為宣姜鸛鵲之不若  
也鸛鵲之奔奔鸛鵲之疆疆人之無良我以爲兄  
鵲之疆疆鸛鵲之奔奔人之無良我以爲君又  
謀天孔多楚詞東極傾海流不屬漢張奐與  
崔子書曰人生實難所務非此王粲贈蔡陸  
詩人生實難願其弗與唐魏元忠曰臣猶鹿  
耳羅織之徒欲得臣肉爲羹臣安避之江淹  
書云積毀銷金積讒磨骨宋玉笛賦武毅發  
沈憂結陸機詩沉憂萃我心書曰五子咸怨  
述大禹之妲己滅紂褒女惑周天維蕩覆職  
戒以作歌

此之由漢祖呂氏食其在傍秦皇成后毒亦



淫荒蠮螋作昏遂掩太陽萬乘尚爾匹夫何

傷晉書曰外紀云紂伐有蘇有蘇氏以妲己

己周紀幽王嬖愛褒姒褒姒生子伯服幽王

欲廢太子太子母申侯女而為后後幽王得

褒姒愛之廢申后并去太子宜臼以褒姒為

后以伯服為太子申侯怒與繒結西夷犬戎

攻幽王幽王舉烽火徵兵兵莫至遂殺幽王

驪山下虜褒姒盡取周賂而去漢呂后從陳

平為右丞相審食其為左丞相食其幸於六

后史呂不韋傳秦王年少太后時時竊私通

呂不韋始皇帝益壯太后淫不止呂不韋恐

覺禍及已乃私求大陰人嫪毐以爲舍人時

縱倡樂使毒以其陰關桐輪而行令太后聞

之以啗太后太后聞果私與之絕愛之

曰史殷紀帝紂好酒淫樂嬖於婦人愛妲己

妲己之言是從淫亂不止周武王於是遂率



諸侯伐紂斬紂頭懸之白旗殺妲己左傳范  
 宣子數諸戎曰言語漏洩則職汝之由史陳  
 平傳審食其免相註云徐廣曰食其初以舍  
 人侍呂后孝惠帝於沛又從在楚端竊事見  
 二卷註晉天文志曰為太陽之宗乃人君之  
 象劉子曰而兇萬乘之主書曰匹夫匹婦不  
 盡獲自辭殫意窮心切理直如或妄談昊天是

殛子野善聽離婁至明神靡遁響鬼無逃形

不我遐棄庶昭忠誠左傳明神先君是糾是

殛子野師曠字也左氏傳師曠侍於晉侯拉

預日曠晉樂太師子野也孟子曰離婁之明

公輸子之巧不以規矩不能成方圓師曠之

聰不以六律不能正五音韓安國傳清水明

鏡不可以形道楚詞竭忠誠

以事君兮反離羣而贅疣



贈參寥子

白鶴飛天書南荆訪高士五雲在峴山果得

參寥子

齊賢曰列仙傳桓闓事華陽陶先生為執役之士辛勤十餘年一旦有二

青童白鶴自空而下陶先生臨軒接之青童曰太上命求桓先生耳於是桓服天衣駕白

鶴升天而去九域志襄陽有荆山峴山王鶴升天而正義曰京房易此候云何以知賢人

隱顏師古曰四方常有大雲五色具而不雨其下有賢人隱矣峴山事見前第五卷註

翫麟躩故園昂藏入君門天子分玉帛百官

接話言

齊賢曰漢趙壹詩伊優北堂上翫麟

言教曹故日南史高昂字敖曹其父以其昂藏以名字之論語入公門鞠躬如也註



曰公門君門也楚詞君之門以九重  
書云五王三帛又云自一話言  
毫墨時

洒落探玄有奇作著論窮天人千春秘麟閣

**王**曰揚子或曰述而不作玄何以作曰其  
事則述其書則作南史范曄傳曰筆勢縱放

實天下之奇作荀子天論篇明於天人之分  
可謂至人矣三輔黃圖云漢宮殿疏天祿閣

麟閣蕭何造長揖不受官拂衣歸林壑  
藏秘書處賢才

曰漢書酈食其長揖謝靈運詩長揖九州牧  
拂衣五湖裏曰左思詩云功成不受爵

長揖歸余亦去金馬藤蘿同所攀相思在何

處桂樹青雲端  
故號曰金馬門又曰承明金

馬著作之庭  
曰金馬門待詔著作之所  
見一卷註按李白本傳曰白懇求還山帝賜



金放還作是詩必此時也蘇武詩生當長相思  
淮南招隱桂樹叢生子山之阿孔稚圭文

干青雲而直上

贈饒陽張司戶燧

燕魏太守晉賢曰唐深州饒陽郡治饒陽

朝飲蒼梧泉夕棲碧海煙寧知鸞鳳意遠託

倚桐前

晉賢曰嵇康詩朝食琅玕實夕飲玉池津鄭玄毛詩箋鳳凰之性非梧桐

不栖

王寶曰蒼梧碧海並見前註後漢仇覽

傳曰枳棘非鸞鳳所栖詩云倚桐梓然註曰

倚桐

屬草木疏曰梓實桐皮馬融琴賦惟倚桐之所生在衡嶽之峻坂

慕蘭豈

曩古攀嵒是當年愧此黃石老安識子房賢



**齊賢**

曰漢書司馬相如字長卿少時名犬子

慕蘭相如之為人更名相如顏延年詩攀猗

亦鳳舉謂猗康也漢張良字子房游下邳圯

上有老父至良所墮其履圯下顧良取履

良下取履因跪進父以足受之曰孺子可教

矣與良期乃出一編書曰讀是則為王者師

後十年與十三年見我濟北穀城山下黃石

即我也遂去不見旦日視其書乃太公兵法

後從高帝過濟北乘得功業嗟落日容華棄

穀城山下黃石葆祠之

**徂川一語已道意三山期着鞭**

**劉先**曰蜀志

月如流老將至矣而功業不建是以悲耳史

記封禪書蓬萊方丈瀛洲此三山世傳在海

中去人不遠嘗有至者諸仙人不死之藥在

焉晉書劉琨曰嘗恐祖生先吾着鞭

詩曰琨詩曰功業未及建父陽忽西流鮑明遠

詩曰容華坐消歇論語子在川上曰逝者如



斯夫不蹉跎人間世寥落壺中天獨見遊物

舍晝夜祖探元窮化先何當共攜手相與排冥筌

日阮嗣宗詩白日忽蹉跎後漢費長房傳汝

南市中存老翁賣藥懸一壺於肆頭及市罷

輒跳入壺中長房於樓上見之因往再拜奉

酒脯翁乃與俱入壺中見玉堂嚴麗許詢詩

一時排冥筌士贇曰謝叔原詩良遊常蹉跎

莊子有人間世篇楚詞驥垂兩耳中坂蹉跎

漢董仲舒傳天者羣物之祖也顏延

年詩殘悴盈化先毛詩勢手同行

### 贈清漳明府姪聿

唐相州臨漳縣貝州漳南縣禹貢

冀州覃懷底績至于衡漳孔安國註漳

水橫流入河蓋河水濁漳水清故曰清

漳以詩攷之當在臨漳



我李百萬葉柯條布中州天開青雲器日為

蒼生憂小邑且割雞大刀佇烹牛雷聲動四

境惠與清漳流森顏曰張孟陽詩水落柯條

書安石不起當如蒼生何論語子之武城聞

絃歌之聲夫子莞爾而笑曰割雞焉用牛刀

震為雷卦曰震驚百里漢地理志清漳水出

上黨出縣太龜谷東北至渤海阜城入河阜

城唐隸冀州武邑縣北三十里有衛漳石堤

衛水縣引漳水北流貫城注隍

子傳老子者姓李氏名耳字伯陽謚曰聃正

義曰玄妙內篇云李母懷胎八十一載逍遙

李樹下乃剖左腋而生帝室之胄故用李樹

姓唐祖老子白與葉皆帝室之胄故用李樹

之事毛萇詩註葉世也柯條猶枝分派別之

義晉中興書詔桓玄曰蕃衛王室垂固萬葉



顏延年曲水詩序曰拓世昭統固萬葉而為

量者也魏伯陽參同契曰太乙乃召移居中

洲文中子中說叔恬曰文中子之教與其志

勤其言證其事以蒼生為心乎又文中子世

家曰仁壽三年文中子冠矣慨然有濟蒼生

之心漢息夫躬傳邊境雷動山海經少山清

漳水出焉東流于濁漳之絃歌詠唐堯脫落

水劉楨詩寬身清漳濱

隱簪組心和得天真風俗猶太古牛羊散阡

陌夜寢不扃戶問此何以然賢人宰吾土

曰冀州有堯壇堯臺九域志相州古柏人城  
皇甫謐帝王紀堯所都也淮南子所謂天者  
純粹樸素實直皓白未始有與雜揉者斯其  
真也歟風俗邇南北曰阡東西曰陌漢食貨  
志眾庶街巷有馬阡陌間成羣師古曰田中  
之行阡也唐書貞觀中外戶不閉

**王**

曰緒



歌見前絃歌詠唐堯者即康衢童謠曰立我  
烝民莫匪爾極不識不知順帝之則及老人  
擊壤於路曰日出而作日入而息鑿井而飲  
耕田而食帝力於我何有哉之意簪組者只  
是惇換簪纓二字釋曰綬屬小者為冕纓脫  
落隱簪組者隱於簪纓之間乃大隱居塵及  
吏隱之意猶東方朔所言避世於朝廷者是  
也此兩句使事而不為事所纏學者正好看  
大匠手段易君子求賢德使居位化風俗楊  
子曰太古之人從心而動不違自然晉書阮  
籍贊曰養和履順以保天真禮記郊特牲註  
唐虞以上曰太古後漢明帝紀十二年牛羊  
被野光武紀十六年牛馬放牧邑門不閉史  
子產為相三年門不夜關道不拾遺前漢溝  
洫志史起為鄴令引漳水灌鄴民歌曰鄴有  
賢令號為史公東漢明帝紀曰郎官上應列  
宿出宰百里有非其人受其殃王舉邑樹  
棠登樓賦曰雖信美而非吾土兮



桃李垂陰亦流芬河堤繞綠水桑柘連青雲

趙女不冶容提籠晝成羣綵絲鳴機杼百里

聲相聞晉書曰劉向說苑趙簡子謂陽虎曰

堤黃河之堤綠水清漳之水謝玄暉詩桑柘

起寒煙楊惲書曰婦趙女也古詩札札弄機

杼孟子雞鳴狗吠相聞**晉書**潘岳字

安仁為河陽令植桃李花人號曰何陽一縣

花何晏景福賦綠水浩浩淮南子上際青

雲司馬彪詩上凌青雲霓史秦李斯傳佳台

易繫辭曰治容誨淫也**言息鳥下階高卧披**

**道帙蒲鞭掛簷枝示恥無撲扶琴清月當戶**

**人寂風入室長嘯無一言陶然上皇逸**晉書



子曰禹治天下朝廷之間可以羅雀也謝  
靈運詩虛館絕諍訟空庭來鳥雀後漢劉寬  
為南陽太守吏人有過但蒲鞭罰之示辱而  
已左傳一挾汝庸何傷南史謝諫不妄交接  
有時獨酌曰入吾室者但有清風對吾飲者  
惟當明月王曰南史陶潛嘗言五六月北  
窓下卧遇涼風暫至

白玉壺冰水壺中見底

清清光洞毫髮皎潔照羣情趙北義嘉政燕

南播高名過客覽行謠因之誦德聲齊書曰

姚崇冰

壺誠曰冰壺者清潔之至也君子對之不忘  
乎清鮑明遠詩清如玉壺冰北齊宋士良為  
清河太守盜賊屏跡郡無一囚公門虛寂無  
復訟者人謂之神門及代至老人丁金剛送  
之泣曰老人年九十記三十五政府君非惟  
善政清亦徹底選詩皎潔不成妍公孫瓚傳



燕南垂趙北際中央不合大如礪  
**古史**曰史周紀古公積德行義民歌樂之頌其德漢貢禹傳古者天下家給人足而頌聲並作

贈臨洛縣令皓弟時被訟停官

陶令去彭澤茫然太古心大音自成曲但奏無絃琴釣水路非遠連鰲意何深終期龍伯

國與爾相招尋齊賢曰九域志洛州臨洛縣陶潛為彭澤令郡遣督郵至

縣吏白應東帶見之潛嘆曰吾不能為五斗米折腰拳拳事鄉里小人即解印去縣賦歸去來辭潛性不解音而蓄素琴一張徽絃不具每撫而和之曰但識琴中趣何勞絃上聲老子大音希聲列子龍伯之國有大人舉足不盈數步而暨五山之所一釣而連六鰲**出**



莊子曰  
貢茫然自失

### 贈郭季鷹

河東郭有道於世若浮雲盛德無我位清光  
獨映君恥將雞並食長與鳳為羣一擊九千

仞相期凌紫氛

齊賢曰漢書郭林宗司徒黃

或問汝南范滂曰郭林宗何如人滂曰隱不  
違親貞不絕俗天子不得臣諸侯不得友吾

不知其他及卒同志者乃共刻石立碑蔡邕  
為其文既而謂涿郡盧植曰吾為碑銘多矣

皆有慙德惟郭有道無愧色論語不義而富  
且貴於我如浮雲易曰貴而無位屈原卜居

云將與雞鶩爭食乎宋玉九辯曰鳳亦不貪  
餒而安食賈生吊屈原賦曰鳳凰翔于千仞



予覽德輝而下之劉公幹贈從弟詩鳳凰集  
南岳徘徊孤竹根於心有厭奮翅凌紫氛  
豈不常勤苦羞與黃雀羣四庫全書曰中庸曰雖  
有其德苟無其位不敢作禮樂焉漢書晁錯  
策曰今執事之臣皆天下之選已然莫能望  
陛下之清光說文云鳳飛羣鳥隨以千萬數

鄴中王大勸入高鳳石門山幽居

齊書

鳳南陽葉人後教授業於西唐山中註  
山今在唐州胡陽縣西北鄴氏水經云  
即高鳳所隱  
之西唐山也

一身竟無託遠與孤蓬征千里失所依復將  
落葉并中途偶良朋問我將何行欲獻濟時  
策此心誰見明君王制六合海塞無交兵壯



士伏草間沉憂亂縱橫

齊賢曰漢書婁護曰

建詩孤蓬卷霜根商君書曰飛蓬遇飄風而

行千里乘風之勢也詩每有良朋崔寔政論

濟時拯世之術豈必體堯蹈舜然後乃理哉

賈誼傳曰履至尊而制六合何無忌傳草澤

間當有英雄選詩沉憂令人老詩曰謝靈

運詩天下苦未定託身早得所古詩離家千

里客感感多思復李陵詩風波一失所傳玄

詩落葉隨風摧記檀弓申生曰去何行如之

漢張耳傳野無交兵曹植詩曰四海無交兵

南史虞循敗劉毅于桑落洲衆懼劉裕曰今

兵士雖少尚足一戰若其剋濟臣主同休如

其不然不復能於草間求活吾志決矣沈文

秀傳逃命草間陸機詩沉憂亂我飄飄不得

心史李斯傳一縱一橫其說何

意昨發南都城紫鷺檻上嘶青萍匣中鳴投



軀寄天下長嘯尋豪英恥學瑯琊人龍蟠事

躬耕故曰南都沈休文詩紫燕無光陸離文帝

自代來有良馬九疋一曰紫燕莊子馬蹄

篇曰編之阜棧音義曰阜握也張叔及論曰

青萍砥礪於鋒鏑陳孔璋賡云秉青萍干將

之器呂延濟曰青萍劍名也選詩長嘯激清

風諸葛亮瑯琊人躬耕龍岡曰漢司馬相如傳

伏龍徐庶以為卧龍王粲曰漢司馬相如傳

飄飄然有凌雲氣游天地間意劉向新序宋

王事楚襄王而不見察意氣不得形於顏色

賈誼傳吁嗟默默應劭曰默默不得意也劉

劭趙都賦曰良馬則飛兔奚斯常驅紫燕顏

延年褚白馬賦將使紫燕駢衛綠蛇備鞍王

子年拾遺記顓頊高陽氏有畫影劍騰空劍

若四方有兵則飛赴指其方則剋未用時則

在匣中常如龍虎吟鮑照詩曰雙劍將別離



江表書

卷之五

五

先在匣中鳴選詩投軀報明主長肅若懷人  
漢書卿食其傳豪英賢材皆樂為之用班固  
賓踐泥蟠而天飛者應龍之富貴吾自取建  
神也蜀都賦潛龍蟠於沮澤  
功及春榮我願執爾手爾方達我情相知同  
一已豈惟弟與兄抱子弄白雲琴歌發清聲  
臨別意難盡各希存令名從唐舉相澤熟視  
舉笑曰富貴吾所自有所不知者壽也易曰  
言不盡意王曰劉琨詩功業未及建夕陽  
忽西流程曉女訓春榮秋枯自然之理禮君  
子抱孫不抱子孝經士有諍友則身不離於  
功名按此詩其作於祿山將反之際乎當祿  
山欲反之時朝廷上下皆知其狀獨明皇不  
然之太白亦欲言而不敢聊因詩以發舒其  
憂國之情乎太白平生任俠亦有志斯世者



於此詩槩  
可想見矣

贈華州王司士 陝西

淮水不絕濤瀾高盛德未泯生英髦知君先

負廟堂器今日還須贈寶刀

王導初渡淮使

郭璞筮之卦成曰古無不利淮水絕王氏滅

左傳盛德必百世祀詩烝我髦士桓沖曰謝

安乃有廟堂之量不開將略晉中興書曰魏

徐州刺史呂虔有佩刀工相者曰為三公可

服此刀虔乃贈別駕王祥曰苟非其人刀或

為害卿有公輔之量故相與也

友為宋公脩張良廟教曰盛德不泯我有祀

典前漢禮樂志進用英髦以致太平後漢虞

詡傳儒者謀謨廟堂蜀志許靖傳評曰靖風

有名譽蔣濟以為大較有廊廟之器蜀費禕



別傳云：韓使吳孫權以手中寶刀贈之，答曰：臣不才，何以堪此？然討不庭，禁暴亂者，願大王勉建功業，同獎漢室。臣雖暗弱，不負來願。穀梁傳：孟勞魯之寶刀。

### 贈盧徵君昆弟

字顯然，唐書有傳云：其

先范陽人，博學善書，稱盧嵩山。玄宗開元初，備禮徵，再不至。五年，再詔徵，至京。都謂見拜諫議大夫，固辭，制許還山。賜隱居服，官營草堂，及卒，帝賜萬錢，鴈所

居室自號寧極云

明主訪賢逸，雲泉今已空。二盧竟不起，萬乘高其風。河上喜相得，壺中趣每同。滄洲即此地，觀化游無窮。水落海上清，黿背覩方蓬。與



石弄倒景攜手凌星虹

起神仙傳河上公莫

知其姓名嘗讀老子漢文駕從而詣之壺中  
事見上徐元藏幾為過海使判官風飄至滄  
洲洲上有夕視山人多不死莊子廣成子曰  
入無窮之門以遊無極之野神仙傳王遠曰  
遠過蓬萊水又清淺如往日列子巨鰲十五  
以首戴五山始時而不動陵陽子明經曰倒  
景之氣去地四千里其景皆倒在下也  
曰雲泉見四卷註漢書東方朔曰一當萬乘  
之主列仙傳河上公莫知其姓名也漢文帝  
時結草為庵于河之濱常讀老子道德經時  
文帝好老子之道駕幸詣之河上公即授素  
書老子道德經章句二卷帝拜受畢失公所  
在時人因號河上公葛洪神仙傳壺公者不  
知其姓名費長房為市掾時見公從遠方來  
入市賣藥常懸一空壺於坐上日入之後公  
輒轉足跳入壺中入莫知所在長房於樓上



見之知其非常人也公知長房篤信語長房  
曰至暮無人時更來長房如其言而往公曰  
卿見我跳入壺中時便隨我跳自當得入長  
房承言試為展足不覺已入既入之後不復  
見壺但見樓觀五色重門閣道公左右侍者  
數十人公語長房曰我神仙人也天曹見謫  
暫還人間耳莊子曰滑介叔曰吾與子觀化  
而化又我又何惡焉漢郊祀志登壇倒景大  
人賦贊刻缺之倒景如淳曰在日月之上反  
從下照故其景倒沈約詩一舉凌倒景劉孝  
標論星虹輻  
電又見前

### 贈新平少年

韓信在淮陰少年相欺凌屈體若無骨壯心  
有所憑一遭龍顏君肅宅從此與千金答漂



毋萬古共嗟稱而我竟何為寒苦坐相仍長

風入短袂兩手如懷冰故友不相恤新交寧

見矜摧殘檻中虎羈紲鞲上鷹何時騰風雲

搏擊中呀能齊賢曰韓信微時事見三卷註

體之無骨尸子曰徐偃王有筋而無骨司馬

遷書曰其次屈體受辱阮嗣宗奏記曰布衣

窮居韋帶之士王公大人所以屈體而下之

者為道存也漢高祖隆準龍顏張茂先詩扶

及在檻穽之中搖尾而求食鮑明遠東武吟

昔如講上鷹今似檻中猿說文韃臂衣也漢

書講形如講以縛左右手於事便也孫盛補

長沙太守家貧頗營資貸部從事至郡察知

之不勅威與桓溫賤曰州遣從事觀察風聲



進無底鳳來儀之美退無鷹鷂搏擊之用  
徘徊中將似怯鳥溫得賤遣從事重按之賦  
私狼藉三寶曰鮑照詩今我獨何為  
百憂又猜恨坐相仍古樂府有苦寒行陸機  
詩長風萬里舉論語短右袂南史齊何點曰  
王思遠恒如懷冰暑月亦有霜氣淮南子置  
猿檻中與狴同非不巧捷也無所肆其能也  
東漢二十八將傳咸能感會風雲奮其智勇  
晉載記王猛隱于華山懷佐世之志  
希龍顏之主歛翼待時候風雲而動

贈崔侍郎

長劍一杯酒男兒方寸心  
洛陽因劇孟託宿  
話宵襟但仰山嶽秀不知江海深  
長安復攜  
手并顧重千金  
齊賢曰蜀志曹操獲徐庶母庶辭先主而指其心曰本欲



與將軍共圖王霸之業者以此方寸之地也  
今失老母方寸亂矣遂詣操劇孟事見三卷

註盧子諒詩每憑山海庶覲高深詩高山仰  
止又携手同行列女傳楚成王登臺夫人鄭

子晉不顧王曰顧吾與汝千金曹植詩一顧  
千金重王曰宋玉大言賦長劍耿介倚天

外晉張翰曰不如即時一杯酒莊子方寸之  
地虛矣陸機豪士賦序積成山嶽桓譚新論

曰子貢對齊景公曰臣事仲尼譬如渴而操  
杯器就江海飲蒲腹而去又焉知江海之深

也漢書李延年歌君乃軒轅佐予叨翰墨林  
曰再顧傾人國

高風摧秀木虛彈落驚禽不取回舟興而來

命駕尋序曰聊因筆墨之成文章故籍翰林  
曰軒轅黃帝名也楊雄長楊賦

以為主人子墨客卿以諷陸士衡詩回芳薄  
高林晉王子猷雪夜憶戴安道在剡自山陰







乘小船詣之經宿造門不前而返人問其故

曰本乘興而來興盡而返何必見安道耶嵇

康與呂安相善每思則千里命駕王選

婆娑翰林張景陽詩寄辭翰墨林虛彈落驚

禽是用更事見一卷註扶搖應借力桃李願成陰笑吐

張儀舌愁為狂鳥吟誰憐明月夜腸斷聽秋

砧漢李廣贊桃李不言下自成蹊張儀舌見

二卷註史陳軫傳陳軫適至秦惠王曰子去

寡人之楚亦思寡人不陳軫對曰王聞夫越

人莊舄乎王曰不聞曰越人莊舄仕楚執珪

有頃而病楚王曰舄故越之鄙細人也今仕

楚執珪貴富矣亦思越不中謝對曰凡人之

思故在其病也彼思越則越聲不思越則楚

聲使人往聽猶尚越聲也今臣雖棄逐之楚

豈能無秦聲哉王曰劉向說苑曰天樹桃



李者夏得休  
息秋得食焉

走筆贈獨孤駙馬

都尉朝天躍馬歸香風吹人花亂飛銀鞍紫

鞚照雲日左顧右盼生光輝齊賢曰王敦尚

馬都尉桓溫尚南康公主拜駙馬都尉漢駙

馬都尉掌駙馬說文駙近也徐敬業詩汗馬

躍銀鞍曹子建書左顧右盼謂若無人馬援

據鞍顧盼以示可用**王**曰辛延年羽林郎

詩銀鞍何煜燭翠蓋空踟躕謝靈運詩曰雲

日相輝映范雲詩曰軒蓋照墟落傳瑞生光

輝是時僕在金門裏待詔公車謁天子長揖

蒙垂國士恩壯心剖出酬知己齊賢曰楊雄

解朝曰登金



詩

一

圖

門上王堂漢書東方朔上書待詔公車廊生

長揖不拜豫讓曰智伯以國士遇我我以國

士報之出漢書劉向待詔金馬門東方

朔主父但嚴安徐樂皆待詔金馬門又未央

長樂皆有公車此太白叙述已事見本傳及

詩叙史鄉陽書曰兩主二臣剖心析肝相信

豈移於浮辭哉史記豫讓曰士一別蹉跎朝

為知己者死女為悅已者容

市間青雲之交不可攀儻其公子重回顧何

必侯羸長抱關齊賢曰阮籍詩白日忽蹉跎

詩光景不可攀江淹詩舟壑不可攀曹植

魏公子無忌聞侯羸賢親往迎之羸謝曰羸

乃夷門抱關者

也詳見三卷註

贈嵩山焦鍊師并序



嵩山有神人鍊師者不知何許婦人也又  
云生於齊梁時其年貌可稱五六十常胎  
息絕穀居少室廬游行若飛倏忽萬里世  
或傳其入東海登蓬萊竟莫能測其往也  
余訪道少室盡登三十六峯間風有寄酒  
翰遙贈

二室凌青天三花含紫煙中有蓬海客宛疑

麻姑仙

**蓬萊**

曰太室少室二山隸河南府康

多子於嵩山下種之一年三花白色香美  
璞詩駕鶴乘紫煙蓬萊在東海中故曰蓬海



桓帝時神仙王方平降蔡經家令與麻姑相  
聞使還語云麻姑再拜不見忽已五百餘年  
而先受命當按行蓬萊今便暫往還便親覩  
如此兩時間麻姑至先聞人馬蕭鼓聲經家  
見之是好女年十九許郭璞詩中有一道士道在喧莫染跡高  
想已縣時餐金鵝藥屢讀古苔篇八極悠遊  
憇九垓長周旋下瓢酌潁水舞鶴來伊川還  
歸東山上獨拂秋霞眠蘿月掛朝鏡松風鳴  
夜絃淮南子八絃之外乃有八極許慎註八方之極也若士謂虛敖曰吾與  
汗漫期於九垓之上司馬相如封禪書上暢  
九垓下泝八埏登封縣西京東南一百三十  
里有潁陽鎮舊潁陽縣鮑明遠有舞鶴賦伊  
陽縣在西京南一百六十里有伊關鎮北山



文春蘿擺月莊子曰惡乎在左傳

奉以周旋呂氏春秋曰昔堯朝許由於沛澤

之中請蜀天下於夫子許由遂之潁水之陽

遠士傳許由隱箕山以手捧水飲之人遺一

日鶴復以取飲訖掛於樹上相鶴經潛光隱

高嶽鍊魄栖雲幄霓裳何飄飄鳳吹轉綿邈

立希範詩嵩山為中嶽楚詞青雲衣方白霓裳

行二十四事有制七鬼之法以七魄流落遊

走穢濁或交通血食往來鬼魅或共死尸相

關或言人之罪欲人之敗皆魄之疾也其法

每晦朔弦望及庚申日存鼻端有白無漸大

以冠身九重又變作四靈之獸匝繞一身呼

呪如法則七魄制鍊矣曹植詩羅衣何飄飄

何勁詩眇然心綿邈王遠楚詞註綿綿細微

之思又曰邈遠也嵇康琴賦翩綿飄邈微音

日寺九

日寺九

日寺九



風之遊遠而聽之若鸞願同西王母下顧東方

朔紫書儻可傳銘骨誓相學傳元封元年七月

授帝以瓊笈紫書之文曲素訣辭長生紫書

詳見二卷註

口號贈徵君鴻此公時被召

陶令辭彭澤梁鴻入會稽鴻字伯鸞與妻孟

光共入霸陵山中以耕織為業詠詩書彈琴

以自娛仰慕前世高士而為四皓以來二十

四入作頌因東出關過京師作五噫之歌曰

非人之求鴈不得乃易姓安期名耀字侯光



妻子去適吳依大家臯伯通居廡下為廡人  
賃春每歸妻為具食不敢於鴻前仰視舉案  
齊眉伯通察而異我尋高士傳君與古人齊  
之乃舍之於家

雲卧留丹壑天書降紫泥不知楊伯起早晚

向關西

漢楊震字伯起弘農華陰人少好學

受學陽尚書於桓郁明經博覽無不窮究諸  
儒為之語曰關西孔子楊伯起常客居於湖  
不答州郡禮命數十年眾云晚暮而震志愈  
篤  
王粲曰魏志太祖謂毛玠曰君有古人之  
風鮑照詩雲卧恣天  
行又妍容逐丹壑

### 上李邕

大鵬一日同風起搏搖直上九萬里假令風



言

四十三

歇時下來猶能簸却滄溟水時人見我指殊

調見余大言皆冷笑宣父猶能畏後生丈夫

未可輕年少齊賢曰南史人笑褚公至今尚

謂大丈夫三言曰大鵬事見一卷註莊子大

言炎炎小言詹詹楚詞有宋玉大言賦北齊

崔瞻為三恪議魏收讀訖笑而不言瞻曰瞻

議若是當贊其所長若非當詰其不允何容

讀國士議文直此冷笑前漢書絳灌之屬毀

贈張公洲革處士

列子居鄭圃不將衆庶分革侯道南浦常恐

今釐在  
卷末



楚人聞抱甕灌秋蔬心閑遊天雲每將瓜田  
叟耕種漢水濱時騰張公洲入獸不亂羣并  
無桔槔事門絕刺繡文長揖二千石遠辭百

里君斯為真隱者吾黨慕清芬

齊賢曰張公

列子姓列名禦寇居鄭圃四十年無識者國  
君卿大夫視之猶衆庶也別賦送君南浦傷  
如之何南浦楚地唐萬州洽南浦縣乃三巴  
之地非此莊子子貢過漢陰見一丈人方將  
為圃畦鑿隧而入井抱甕而出灌捐捐然用  
力甚多而見功寡子貢曰有械於此用力甚  
寡而見功多一日浸百畦夫子不欲乎作而  
視之曰奈何曰鑿木為機後重前輕挈水若  
抽數如佚湯其名曰槔為圃者忿然作色而  
笑曰吾聞之吾師有機械者必有機事有機



事者必有機心機心存於曾中則純白不備  
純白不備則神生不定神生不定者道之所  
不載也吾非不知養而為也司馬氏李氏  
註棹桔棹也又曰孔子逃於大澤入獸不亂  
羣入鳥不亂行史貨殖傳刺繡文不如倚市  
門漢書酈食其長揖不拜漢志郡太守秩二  
千石後漢書郎官出宰百里論語吾黨之小  
子狂簡子曰陶潛詩邵生瓜田中陸機文  
賦誦先人之清芬

分類補註李太白詩卷之九







